

僧伽羅刹所集佛行經序

與六

僧伽羅刹者須賴國人也佛去世後七百年
生此國出家學道遊教諸邦至捷陀越土甄
陀罽貳王師馬高明絕世多所述作此土修
行道地經其所集也又著此經憲章世尊自
始成道迄于淪虛行無巨細必因事而演遊
化夏坐莫不曲備雖普耀本行度世諸經載
佛起居至謂爲密今覽斯經所悟復多矣傳
其將終我若立根得力大士誠不虛者立斯
樹下手援其葉而棄此身使那羅延力大象

之勢無能移余如毛髮也正使就耶維者當
不焦此葉言然之後便即立終罽貳王自臨
而不能動遂以巨絙象挽未始能搖即就耶
維簇葉不傷尋昇堦術與彌勒大士高談彼
宮將補佛處賢劫第八以建元二十年罽賓
沙門僧伽跋澄齋此經本來詣長安武威太
守趙文業請令出焉佛念爲譯慧嵩筆受正
值慕容作難於近郊然譯出不裏余與法和
對檢定之十一月三十日乃了也此年出中
阿含六十卷增一阿含四十六卷伐鼓擊柝

之中而出斯一百五卷窮通不改其恬詐非
先師之故迹乎

僧伽羅刹所集佛行經卷第一

符秦沙門僧伽跋澄譯

爾時菩薩始行時愍世間故發趣於道彼出
家故行於忍不相應故心三昧斷無智故行
金剛智慧除捨調戲行真諦故除棄意垢爲

直行故爲苦行慈孝父母故心堅牢故不捨
誓願離欲故爲聞自饒已念報恩求解脫故
著袈裟欲應息住林間故不觀行者求知親
故知己身縛口行無欺故一切苦本意無所
念不捨有故

與六

自覺而覺彼

一切同自相

如彼色聲聞

智者自息意

最勝愍萌類

皆至彼道場

起者盡滅度

是世最妙義

最初發意名菩薩者有如是衆行消滅無明
諸覆蓋者一切無明皆使至有明無有能除

無明者欲現有明智慧所修行除其所覺者如是菩薩觀察是時於衆生類而行大慈愍世間故發趣於道皆是愛著亦不自任力勢除其所覺者如是菩薩觀察是時於衆生類而起大慈衆生爲色所縛爲欲愛縛著無能有解色者除其智者如是菩薩觀察是時於衆生類而發大慈衆生爲除怨憎二念相繫縛無有能覺此除其智者如是菩薩觀察是時於衆生類而起大慈衆生爲苦重擔爲苦所害無有能度此苦擔者除其智者如是菩

薩觀察是時於衆生類而發大慈衆生類常懷恐懼百苦并至無有能除其恐畏者除其智者如是菩薩觀察是時於衆生類而起大慈衆生之類遭遇飢饉渴愛無厭無有能脫此飢饉者除其智者如是菩薩觀察是時於衆生類而起大慈衆生之類爲國病所逼一病動百病增無有能脫此病者除其智者如是菩薩觀察是時於衆生類而起大慈衆生之類生老病死常自追身而厭患之無有能脫此生老病死使至無爲者除其智者如是

卷六

三

菩薩觀察是時於衆生類而起大慈衆生之類衆事總猥著有常想無有能除其總猥者除其智者如是菩薩觀察是時於衆生類而起大慈若衆生之類所爲事不辦志性荒亂無有能究竟其事者除其智者如是菩薩觀察是時於衆生類而起大慈衆生之類貪著少味經歷衆苦無有能脫此苦惱者除其智者如是菩薩觀察是時於衆生類而起大慈衆生之類常懷猶豫希望遠正就邪無有能斷其狐疑者除其智者如是菩薩觀察是時

於衆生類而起大慈衆生之類有若干見趣無有能拔此見趣者除其智者如是菩薩觀察是時於衆生類而起大慈衆生之類塵垢所著不度彼岸無能得度彼岸者除其智者如是菩薩觀察是時於衆生類而起大慈衆生之類三種火盛而爲焚燒無有能脫此法者亦不能以法雨滅者除其智者如是菩薩觀察是時於衆生類而起大慈衆生之類輪轉生死無有休息亦無有能得度彼岸者除其智者如是菩薩觀察是時於衆生類而起

大慈衆生之類行垢所染著增益生本無有能脫此生死者除其智者如是菩薩觀察是時於衆生類而起大慈衆生之類身處大嶮手攀脆繩無能脫此脆繩者除其智者如是菩薩觀察是時於衆生類而起大慈衆生之類猶如桑蠶子爲行所驅逼亦無有能脫此駛流者除其智者如是菩薩觀察是時於衆生類而起大慈衆生之類發起大生死常懷希望亦無能使還止者除其智者如是菩薩觀察是時於衆生類而起大慈衆生之類發

與六

四

趣惡道常懷欲行想無有能安處正道者除其智者如是菩薩觀察是時於衆生類而起大慈衆生之類長夜自處幽冥無智之所無由能脫此邪道使處正智者除其智者如是菩薩觀察是時於衆生類而發大慈衆生之類不照見究竟見賢聖諦無有能使見賢聖諦者除其智者如是菩薩觀察是時於衆生類而起大慈衆生之類長夜處流滯無有能脫此流滯者除其智者如是菩薩觀察是時於衆生類而起大慈衆生之類無有閑靜與

種種趣相應無有能至此閑靜處者除其智者如是菩薩觀察是時於衆生類而起大慈衆生之類貪著結使長夜染著無有能滅此結使者除其智者如是菩薩觀察是時於衆生類而起大慈衆生之類遭遇苦難志性荒亂無有能使至解脫處者除其智者如是菩薩觀察是時於衆生類而起大慈衆生之類謂欲爲淨內盛臭處無有能脫此愛欲者除其智者如是菩薩觀察是時於衆生類而起大慈衆生之類謂欲爲樂諸陰苦患無有能

卷六

五

曉第一之義至涅槃者除其智者如是菩薩觀察是時於衆生類而起大慈衆生之類著有常想謂不移動無有能示涅槃之路者除其智者如是菩薩觀察是時於衆生類而起大慈衆生之類計吾我想不解法數無有能分別法者除其智者如是菩薩觀察是時於衆生類而起大慈衆生之類不得救護厭患於涅槃猶如大狗常守死屍馳走東西無有休息愚癡所爲今亦如是與彼狗無異自無性行馳走東西不解涅槃義陰蓋所覆不悉

觀察菩薩起勇猛意使至彼道便說是偈
多有衆生類 流轉生死淵 觀此艱難苦
安處至涅槃 陰雲所覆蓋 無光處幽冥
智者皆現世 除雲使光出

爾時菩薩而行此檀最初始時興起法想甘
饌香美饒益衆生隨時相應與第一義相應
心無恠愛味成就充滿除去衆結亦無所遠
離不逆乞者施已無變悔之心皆是曩昔施
行功德使彼無結著爲衆人荷負重擔皆棄
結使如今日之施成其所願欲使衆生所欲

皆獲從小已來無種種害意忍諸種種穢患
施功德漸漸厚導引人民而作船師數數不
廢於施常好惠施內自清淨外現穢相不違
一切者謂一切衆生除去憍慢無懈怠心施
心遂增顏色和悅無有怨恨不自稱譽亦不
與六 自下愛樂衆生一切所有皆悉惠施義所成
辦合集人民數數惠施無變悔心心意喜悅
歎譽布施果報遠徹以金銀珍寶碑礫碼碯
車乘男女城郭皆悉惠施內無恠嫉愛彼信
施欲充滿彼希望具足欲使彼施果皆悉牢

永樂北藏

僧伽羅刹所集佛行經

第一三〇冊

固欲使彼乘船得度以彼施故具足此義觀
察施果捐棄諸結衆生貪著除去使無邪見
除去慳貪隨時生依法雨而雨是故歸命

金銀珍寶施 碑礫碼碯珠 瞻彼無厭足
今禮釋師子 象馬及天金 色最爲第一

能施和顏色 歸命解脫者 車寶爲第一
珍寶所瓔珞 顏色皆和悅 妻子及男女
金鉢盛滿銀 或盛滿碎金 彼以歡喜施
誰勝毗沙門 和悅以自施 如果茂盛好
歡喜而惠施 彼滿三世界 男女極端正

婦身及頭目 爲世而惠施 誰與此施等
檀施無過此 天人所不及 猶如彼上人
意大海無底

彼菩薩修行戒時於彼戒非爲無戒及身口
所行心所起甘露之法如彼華果擁護其根

與六

必生果實於彼而得皆是人所行猶如俗士
殺生不與取姪洿及諸放恣菩薩不飲酒於
諸戒智慧皆悉具足除去非戒於道場而常
三昧遠離犯戒亦不有殺意物性皆清淨受
彼信施數數厚味亦無所犯內無所缺去有

不就有亦不敷華依見不腐敗無穢不造新
穢果所種有新善民寤無愁彼衆生色最第
一由彼功德故善香遠布受信施故意常牢
固諸根具足故無所壞敗智慧住不移故無
所不壞緣彼人故有所增益爲彼人故擔負
苦惱因善法故有其處所無愁惱亦無所染
以形貌故有服飾爲彼人故有其財寶無限
無量無有窮盡從初發意未曾變悔況復菩
薩禁戒成就於是便說此偈
上下及四方 諸有聞戒香 皆悉等具足

遠欲爲最要 親近善知識 善者作功德
善色無有比 戒香第一福 諸穢悉休息
覺我無有我 最勝後第七 我今當自歸
若復菩薩行精進時然彼心有所緣心亦無
懈倦出家不可障斷爲衆生故而出家不移
動故有其力緣種種衆生有其精進不可勝
故有其忍有所長益故示現於世有其功德
故示現衆生攝其心意故彼意不移動爲船
師故得到彼岸以定故不亂發意躊躇則有
所度以彼衆生故成其所願欲成道故施象

馬寶車是時菩薩於彼衆生有是精進其有
聞精進名者皆發起於道一身之中所作功
德不可限量況復如來無數阿僧祇劫所作
功德端坐道場時降伏外道經歷生死以精
進意除去愁憂精進最第一

與六

歸命法王王 於佛善自覺 今歸命無等
彼尊爲第一 法鼓聲遠布 於覺覺自覺
是故歸無著

若復菩薩行忍時無畏無所懼無所染不觀
彼果報有其力勢擁護衆生常遠離惡數數

志性剛強自省已過一切衆生皆懷恐怖使
無恐怖示彼戒律亦爲一切衆生降伏癰癩
去不善語慈愍衆生彼無量無限依衆生語
設有所聞及諸至道迹微妙第一猶如華果
未常不敷華爲風所吹動山巖處穴採取諸
華香味種種色處所福德音響衆生之類皆
悉喜聞猶如蜂王採諸華味以用作蜜及諸
小蜂而作蜜者及諸泉源處處流溢及諸那
陀園快樂無比有罵詈所爲成辦諸求呪術
爲彼示慚愧衆生修行道者爲厄難者而作

救護名曰忍辱仙人是時迦藍浮王往入深山欲獵麋鹿適入山中見此忍辱仙人便前跪問在此深山爲求何道忍答曰求忍是時大王不自觀察亦不觀察行欲有所試即時便作是說我今當截汝手脚即截彼仙人手脚復作是問汝今爲求何道是時忍答言我求忍辱道即時歎譽忍辱之德是時大王倍懷瞋恚欲傷害其命是時仙人已截手脚便作誓願言使我世世勿懷瞋恚亦不有瞋恚於彼大王解知諸法皆悉虛空復有異仙人

往至彼仙人所而作是問云何神仙不起瞋恚於彼王耶若行此忍辱之時有此大忍辱之力當於爾時不起瞋恚之意觀此面色亦不變易是時護世四天王往詣彼仙人住處是時提頭賴吒頭面作禮便作是問我今欲殺迦藍浮王爲可爾不作是語已是時仙人默然不對時第二天王復作是問我今當殺彼男女大小及城郭人民皆悉蕩盡作是語已是時仙人默然不對是時毗樓波叉王復作是問我取彼境界國土所有人民盡取殺

之願見聽許是時仙人默然不對是時毗沙門王復作是問我欲取彼境界國土移著他方願見聽許是時仙人歡喜歎譽忍辱之德便說此偈

截頭目手脚 不起怨惡意 所有盡施彼

況當於世間

是時護世天王復作是問云何仙人欲求何等道是時仙人答曰

欲使彼王身 無有惡行報 彼王雖兇暴 憂彼不自憂

若菩薩修行三昧時設入彼三昧有所緣心未曾忘失亦不放逸專其一心若復不厭勤求方便亦不受諸行解諸法味不著於法於彼地中亦無結使彼三昧之中清淨無瑕穢伏外敵無怯弱一心解其氣味心無所著降共六伏忘性未曾懈倦成其所行得三昧歡喜根十精進不移念不錯亂一劫所修覺知道品念猗歡喜勇猛所獲皆依猗智漸漸得歡樂處然菩薩行於彼三昧行時起三昧善行已辦三昧善行若行若住未曾失之彼以有此行

善法具足起諸善行諸所求皆悉現在前設
心有愁憂漸降伏其意使不忘失思惟增益
增益善若心放逸復思惟善法若心懷愁憂
緣縛所繫即能思惟彼解脫善於己境界威
儀悉善為人演說亂想穢病及餘種三昧諸
功德具足三昧彼處彼處三昧行報之果實
最爲善行猶如青青樹木現淨解脫及餘青
黃白黑皆隨彼三昧來往無所罣礙欲以三
昧力大聚日光無所不照彼得天眼亦復如
是晝夜徹照亦復得天耳徹聽有如是之力

彼菩薩得是三昧無限無量不可稱計盡由
三昧之力亦由思惟由不懈怠由智慧眼知
悉知舒亦由希望三昧由去離惡想由逆順
三昧力如是衆想是彼三昧所生彼彼總持
門成三昧所通之處亦無疲倦求其方便不
堅固三昧故而行三昧爲一切次故降伏心
意善擁護思惟亦不錯亂隨意自在不責人
過無量無限無有窮盡於今三昧斷諸狐疑
放種種光明依一切善法諸結使淨數數習
三昧依一切善法於是便說此偈

卷六

十二

獲此解脫心 三昧無罣礙 新頭趣大海
駛流難可制 若意有所欲 心亦不移轉
欲斷境界水 皆是根門行
若復菩薩行智慧之時以所知故名曰智慧
數數於彼行中及諸衆生不解深義長夜勸
勵分別決了智慧此深此淺清淨甚利此惡
此醜親近善知識彼法不亂無量無限亦無
增損猶如劒戟所截皆斷彼智慧者亦復如
是現第一義故有其慧明已意聞聞故開彼
見明與共相應以諸行故根門具足無怯弱

故現其威力欲斷不善財業現其有財業以
珍寶不可得故如是現珍寶也以斷命現其
壽命斷諸結使故是力觀察遠事與彼分別
皆使決了救彼脆命以彼愁憂故起歡喜之
心息意不起故去離惡法而成就善法去邪
就正以是之故成其智慧力以生死故欲斷
妄見至出要處遊步世間故遊一切境界究
竟一切智元使至無爲
善住不移動 無有生死畏 即逮不還處
消滅三界趣 百劫所造行 欲淨衆生類

無有三世想 爾能無希望

是菩薩行諦之時彼名諦者心無有虛妄言
無有二常娛樂其中亦無彼此數數樂彼寤
寐之中未曾調戲亦不妄語又聞昔有王名
須陀摩於王宮生統領四城法鼓遠震群臣
人民無不聞者生如此有德人往詣池水浴
洗乘羽葆之車欲出城門時有婆羅門顏色
端正聰明智慧欲來乞寶婆羅門即白王自
稱姓名舉手乞言是時王聞乞言聲便懷
歡喜即報言止止尊者須我還國當相救濟

第六

十二

夫王之法言無有二即詣彼池浴洗洗已竟
便欲還國是時有翅飛鬼名羯摩沙波羅現
其恐怖手執王身是時彼王即自涕零是時
彼鬼觀彼王意云何大王何為啼哭有此愁
憂之心時菩薩報言我無有此身想唯我許
婆羅門財寶以是之故便懷愁憂是時彼鬼
即報王言我未曾聞此甚奇甚特之事世所
希聞為彼人民故來相試若今設放王去當
復還不時王甚懷喜悅是時彼鬼身有兩翅
飛在虛空觀其所說即放使去是時菩薩還

國歡喜以財與彼婆羅門實無有虛施不有
悔有是審諦之言是時國王即詣彼鬼所自
稱姓名今已到此是時彼鬼見王形貌即便
驚怖有是實言王顏色不變除去瞋怒無殺
害意便作是語甚奇甚特未曾所聞說此偈

典六

十三

曰

我堪飲惡毒 洋銅灌口中 利刀割其體
誰敢害法王 宿福生王族 觀德無有比
勇猛實不虛 應相爲國王 我今當尊敬
從王不復殺 改往修善行 衆生隨所樂

是時菩薩行柔和之時彼心柔和有此名聲
言不卒暴欲求法故常護彼意未曾起怨惡
不生希望口不吐惡言爲愚癡故現其智慧
除心垢故皆悉稱名無有若干吾我想不隨
諸幻佛所擁護於此獲如是德亦無姦偽如
是之穢皆悉避之於中得柔和之心善根本
具足人所愛念不惜身命神仙所歎譽如是
柔和觀彼善惡之報彼智功德具足如所說
善本不斷貧窮之者施以金銀珍寶除去諸
穢壽十歲時遭遇厄難所欲自在亦不殺生

善身造業心所生財口所傳教行所造業除
去穢惡所覆蓋者爾時諸比丘世間有身已
得休息非已所有悉盡無餘如是已盡以是
之故當去離染著前世所造者彼已盡更不
復造已斷根本苦休壞敗如是說已作是法
住於此深妙法中如手執輪六月不懈諸佛
世尊皆悉覺知皆悉成就於是便說偈言
不造諛諂意 覺知邪法業 本亦不造此
當作如是觀 勇猛意如海 柔和不麤獷
頭面稽首禮 無著世希有

是時菩薩慈孝於父母時性有報恩恭敬承
事遠惡就善隨時供給夙起夜寐瞻父母意
無事不辦所約教訓未曾違失有如是柔和
之心以是之故有如是事心所修行常自觀
察當辦何事所聞教誡尋即知之常懷歡喜
一切愛敬念盡知父母之心常念欲報恩無
麤獷言此無處所又聞音者未成菩薩時爲
大衆王端正無雙頭眼肌毛皆悉端正觀無
厭足耳滿充備衆象中長牙根方正有娛樂
之心脣齒純赤頭耳滿具形體方圓極大高

廣猶高山峻行步庠序七處滿足猶青蓮華
行步庠序無所呈礙龍女所生遊山澤中色
如白雲便爲獵者所獲將彼去時是時山野
樹木皆悉屈伸水自涌沸將至所止與種種
甘饌飲食亦不肯食是時象師在前長跪叉
手白彼象言便說此偈

我本造善本 降此神象來 何爲不肯食
如有怨恨心

是時彼神象便答偈言

我母無有目 羸瘦懷愁惱 憶彼不能食

是故願見恕

於彼深山中不食飢渴必當命終甚痛甚苦
妻各當共別離以是愁憂亦不能食亦不飲
水無有果菰與我母者二俱當死作如是辛
酸語已時獵師便懷歡喜放使去於彼拘薩

典六

十五

羅國有一止住處隱學士名曰睽施行十善
功德備具持瓶行取水是時拘薩羅國王出
行遊獵追逐麋鹿於山中便射箭誤中睽睽
喚呼便憂父母猶如飛鳥無有兩翅父母年
老目盲無所見今被毒箭俱亦當死父母修

四等心便說此偈

惟我父母老 目冥無所覩 父母生子時

欲得蒙其力 我於百年中 擔負父母行

不充我所願 能報父母恩 已得將護彼

指授父母處 能覺知如是 世之所希有

是時菩薩行堅固心時收攝解脫有如是方

便彼有勇猛意所爲無罣礙不爲人所制持

是故當方便求昔聞阿蘭迦蘭起諸禪定捨

彼禪已更求三耶三佛無上道便往行南半

白旬中詣彼空閑處作種種苦行噉果飲水

著純黑皮衣在樹下結跏趺坐或時飲水或
時食果蓏或時服氣作如是苦行於草上卧
或以灰自擁樂著於彼三宿之中顏色不變
易九日之中禮跪祠火諸放逸者隨彼言教
或時祠天頭目漸羸臂骨露現或翹一足身
體偻曲亦不盜竊以法自樂於彼苦行求道
亦不飲食皮骨相連身向日極身黑面色萎
黃猶如篋篋內無有實肋脊悉現形有百變
不可觀省少壯之貌永無復有猶如老象無
所任施坐卧行步而無有力亦不能語雖復

貧命不久存世當於爾時天使已至彼所住之處為設方便有如是若干變化彼為法故寤寐不失其節如是求解脫不顧其身於是便說偈言

設我當融爛

人身分為百

人無眠夢想

衆生生無異

彼意何可貪

苦惱無數變

有計吾我想

眠與死何異

是時菩薩多聞之時所謂聞名者自稱揚其德最為第一息心衆人所敬待志性不亂所聞能持聞持具足亦不忘失觀察其義除去

憍慢有如是之業與智相應今悉聞知以智無懈倦恭敬於師長所願自在若飢虛者起大慈悲降伏外道無所罣礙亦無塵垢於異刹土現其道行不為愛欲所染著起方便意為世人民欲使解脫爾時菩薩有如是慈心一切智所因皆是方便所起於是便說此偈彼聞若干響其色無有變牢固不久存況我今日身最初受此法有信於世尊便生大智慧除去諸結使爾時菩薩行恩之時識其恩德亦不忘失便

有是智慧欲報其恩造少功德永以不忘失
亦不永盡猶如種少穀子終身不忘失昔者
菩薩欲求無上道時在一閑靜之處有鸚鵡
菩薩常處彼樹爾時有風吹彼樹木互相切
磨便有火出火漸熾盛遂及山巖諸生青青
樹木火悉焚燒有鬱烟起色極自熾亦不時
滅猶如日光塵烟俱起大小樹木皆悉被燒
無有遺餘猶如天地融爛時須臾之間聞見
者皆為恐怖所焚燒物隨時便盡諸樹木皆
悉盡爾時菩薩為鸚鵡身一夜之中便作是

與六

十七

思惟猶如飛鳥止此樹木當有返復之心與
彼相應便起恩意況當我等長夜處其中亦
不能得滅此火我今正是時現其威力往詣
大海中以兩翅而取其水在彼火上而灑其
火或以翅灑或以口灑東西馳奔是時有神
便說此偈

此火甚熾盛 煙雲不可近 雖有此善心
亦不能得滅

是時菩薩鸚鵡語彼天言

我處此山中 未曾失其恩 云何當捨去

永樂北藏

僧伽羅剎所集佛行經

第一三〇冊

使火燒此林 今我有此力 意欲滅此火

不空居此山 欲得報其恩

爾時樹神復作是說

此鳥有恩慈 其色甚端正 此是應人法

世之所希有

爾時天神作是思惟便語彼鸚鵡菩薩言

知法有恩慈 為汝當滅火 相愍有此心

我當速滅火 爾時有大雲 愍彼鸚鵡故

今當滅此火 仗彼願獲果

況當成等正覺於是便說此偈

如來在彼時 有此恩慈心 諸有發歡喜

天人所供養 以能到彼岸 遠離生老病

篤信已牢固 統攝十方國

爾時菩薩著袈裟時為世人軌則為眾生等

變俗就道此是大幢蓋如是捨國王妻子出

家學道以度諸狐疑是時菩薩著袈裟時有

如是增益功德曾聞過去三耶三佛遊在園

觀華果茂盛欲得出家於彼園中人民遊行

有佛出世觀無厭足人民熾盛於彼園中無

有眾音著袈裟三色清明耳響解脫聲音柔

和壽有限劑一切自歸爲一切苦故降伏瞋
恚色如赤銅盡力喘息煙風起見色已便作
是說然與我心相應起此心是我解脫是時
護袈裟有衆功德捨彼瑕穢緣是之故便說
此偈

亦不自識名 與彼而相應 亦不善浴洗
降伏故來此 速降伏彼果 割已無所惜
口作善言教 必當自壞敗 雖復作此觀
與我說是義 我當惠施彼 忍此苦惱患
已自割已降伏其心便作是語而說此偈

莫作苦惱患 有如是慳嫉 此果雖復小
惡報無有限

爾時菩薩樂閑居靜處於彼園觀清淨無衆
亂亦無衆事行到彼者皆懷恐怖心所愛樂
曾聞有仙人所居處極妙無比廣說如上仙

典六

十九

人所住處彼所有衆事皆盡無餘遠此園觀
去當於爾時未定阿維三佛菩薩爲兔身是
時兔依仙人住時兔見仙人下山便以偈語
仙人言

人身處世間 極妙無有比 已得生人間

應處山林園 善哉此仙人 善色面親近
無有眾瑕惡 心自能降伏 殺害之所起
自知劑限量 能自降伏心 無有境界想
已捨境界可食我爲出家故求解脫道心意
決了莫捨甘露去彼希望意功德同處山林
有如是三昧意無眾亂已處此山林當樂此
山林如夜月照明日照於晝能仁有恩慈應
住此山林然仙人少壯時於彼山林中而居
住今年已老何緣捨此去是時仙人便作是
語自伏其心倍復歡喜而作是語若仙人去

者誰當樂此住菩薩免便說此偈
我今無此豆 粳米及餘穀 心能自降伏
願住此山林
爾時成阿維三佛遂住於彼照明於世間樂
彼閑居以是之故當住彼山林便說此偈
境界甚庠序 山林行苦業 常樂居閑靜
當自思惟行 解脫身功德 心意常和悅
智慧極微妙 當親近山林
爾時菩薩有此親友之心常懷慈心自省所
生如實所生如所聞有山林中廣說如契經

便作是念此山林無有衆果諸法解脫以忍
法解脫是時菩薩長夜之中有此慈心諸法
解脫於彼人民無所觸燒於彼端坐思惟不
移動鳥巢頂上覺知鳥在頂上乳恒懷恐怖
懼卵墜落身不移動是時便觀察便捨身而
行彼處不動善慇懃力生樂攝彼是時鳥已
生翅已生翅未能飛終不捨去今行此慈竟
有何奇亦不恐怖衆生亦未曾爲如是自知
便說此偈
彼能辦此事 於千人中大 亦不觸燒彼

卷六

二十

此德無有上 是故彼世尊 最爲第一神
故在道場處 功德自備具
是時菩薩行悲時自有力勢堪負重擔求一
處所一切衆生我當度脫之增益功德於諸
苦惱無力者除世愁憂無救護者爲作救護
無希望者爲作希望無力勢者爲作力勢諸
疾病者爲作醫王爲老者示現少壯意爲少
者示現有力曾聞世尊行道之時無數比丘
前後圍繞火焚燒園觀時比丘見火煙起各
馳走向世尊或有歎譽世尊者於如來前住

永樂北藏

僧伽羅刹所集佛行經

第一三〇册

彼彼諸比丘住如來前觀者於是便說此偈
如我無儔匹 三世功德具 以此至誠語
使惡速休息

說是偈已是火聚火即休息是時諸比丘歎
未曾有皆是世尊之恩力歡喜於如來各各

與六

十一

歎說此偈言未曾有世尊告曰諸比丘在一
閑靜處種種境界若干種色當於爾時我未
成於等正覺爾時我爲桎梏羅翟也從彼生
已來年少自在好施於人求微妙行當於爾
時褰荼國界人民熾盛土地豐熟多竹林葦

樹木高峻時火所燒極熾盛漸及山澤有如
是之變廣說如契經爾時有羣鳥衆各各產
乳翅羽未生或有翅始生者或有墮地者或
有破頭尾者亦不堪任飛或有飢餓者見彼
火熾盛各欲飛去我爾時見此火已亦不護
身無數百千劫功德有如是護心我爾時於
彼清淨便發此心使此衆生脫此大患爾時
我便滅此火火即時滅我爾時於彼國滅此
火行此悲心況我今日成大悲今日火當滅
於是世尊便說此偈

由少之所生 本觀一切變 一切皆悉壞
慈哀於衆生

彼火即得滅火滅未久以智慧明滅世人火
爾時菩薩爲生死故菩薩欲生時救濟衆生
觀生苦本曾聞空靜山林之中有烏鹿鵲蛇
在彼止於彼有仙人菩薩常處其中食果飲
水爾時烏往詣彼仙人所在一面立便作是
說世有何苦爾時烏便作是言飢爲最苦由
何因緣而生此苦我等各自當陳說身體
疲極煩熾諸根不定口不能言耳無所聞常

懷思想是故飢最爲苦此苦患身火所燒由
此飢饉此病難療共相牽連皆有如是之苦
是時鹿便作是語驚怖爲苦所謂驚怖者身
在獨處見獵師常懷驚怖身心之穢常恐無
此身復畏獵師欲殺害已此身有何牢要住
無常處馳走東西此驚怖者由何而生常有
此念彼一切有是行捨離一切身我等有此
身常懷驚怖須臾不寧皆是本所造壞敗之
苦有如是驚怖以是之故驚怖爲苦是時鵲
便作是語欲最爲苦更樂其中心境界淨思

典六

卅二

惟所處無脫此欲患此欲猶如火亦如脂酥
著器然則熾狂有所說染著其心欲火亦復
如是染著其心消盡其形增益諸縛無數劫
爲欲所惑合會熾然燒人形體以是之故欲
最爲苦時蛇便作是語則患最爲苦所謂瞋
患者便傷害人命無有尊卑增諸罪根身體
顏色常變易動有殺意頻蹙眼赤牙齒長利
人所惡見搖頭動身長息吐毒身體肌皮純
有瞋患之火一切世人皆不喜見常伏穴處
飢亦瞋飽亦瞋眼視不善有如是之變彼猶

如火焚燒山澤此瞋患火亦復如是以是故
瞋患爲苦爾時菩薩甚深之智思惟此已便
說此偈

一切皆悉苦 親近其顏色 生者必有苦

聽我今所說 猶如此大患 苦惱無有限

一切是生根 是故生非真

興六

卅三

若有必成菩薩道者流轉生死以慈悲喜護
愍一切衆生以捷疾之智無所罣礙有勇猛
意修一切智無懈倦之心教化無有狐疑常
懷等見志性牢固不可沮壞得彼氣味不失

其志有力堪任分別諸法亦不毀漏彼成大
智慧施意解脫無變悔心一切惠施如濕鞞
國王常修淨行未曾懈倦如摩訶提被王忍
力具足如忍神仙戒不缺漏如布賴多學士
常樂出家顏色和悅若復於愛敬之中意無
染著如大須達施那王遊化世俗瞿頻陀王
愛樂於法如鬱多羅摩納樂閑靜之處為妓
樂聲響清徹如善覺菩薩在大眾中為師子
吼皆得解脫至泥洹界諸功德具足必成於
道倍益諸德成菩薩行於是便說此偈曰

倍無傷害意 菩薩功德淨 已志性牢固
如日放光明 愛樂如是法 福田無所穢
愍彼世人民 故說如是業
是時菩薩不懷恐怖從堯術天降神觀有為
行無常心無亂想常自觀察知所從生處亦
復自知更不受胎有是真諦究竟其元心無
染著降母胎中住彼處所亦無亂想於彼觀
犯戒為惡行持戒為清淨亦無染著於胎之
中無不淨行猶如蓮華不染著水於彼多起
道意已有此智慧諸天子常衛護堯術諸天

迭來宿衛現姪不淨行樂修梵行自從菩薩
降母胎中夫人之身未曾有穢菩薩戒行極
為清淨心無傷害之意施行立誓審諦至誠
欲出於家大尊妙神天子皆悉扶持胎淨無
惱若舉足行七步時懷出家意即觀四方今
與六當向何方使無衆苦香汁浴洗自然有香池
并四皆是前世功德所致天雨優鉢拘文羅華而
供如來於是便說偈言
無數世勞動 救彼衆生故 輪轉無有量
天人得安隱 諸有天妓樂 皆得歡喜心

香輪在前轉 降伏衆魔怨
彼時菩薩從兜術天降神時梵天衆天衆皆
悉侍從若世尊人民天衆圍繞時此是第一
相若菩薩從兜術天降神地為大動若世尊
覺寤衆生塵勞無有雜穢此初瑞應地為大
動彼衆生之類塵勞永不生最第一樂是初
瑞應若菩薩從兜術天降神時有大光明照
世間界是智慧光明相初瑞應諸幽冥之處
皆悉見明亦是智慧之相若菩薩初生時舉
足行七步此七覺意之瑞應是時菩薩觀察

四方時此是四賢聖諦之瑞應是時菩薩大笑時現度人之瑞應是時菩薩夢見以此世界爲牀須彌山爲枕手脚垂四海之外此是世有常之想此是甘露法味之瑞應復夢緹隸迦樹生齋上覆三千世界此是道場之瑞應天人所尊敬夢見衆多飛鳥周匝圍繞皆同一色現衆成就之瑞應夢見蟲頭黑身白現優婆塞衆成就之瑞應復夢見山頂上行現得利不慳之瑞應於是便說偈曰
瑞應未曾有 彼有大功德 起者必當滅

共六

廿五

苦樂之所更 見彼皆歡喜 必當有佛出
如日除雲霧 無復有衆塵
是時菩薩志性不可迴轉如所說如月初出於幽冥處衆人所敬即從座起欲得出家是時便起此心此最後有斯三更樂盡是時菩薩從高牀下爾時亦起是意此最是高廣之牀如菩薩出城門時是時便作是念我不得道終不歸還猶如菩薩解瓔珞以授車匿爾時復作是念計此寶衣最是我後所有若復菩薩以馬授車匿是時亦作是念此是我後

所乘馬是時菩薩右手執刀自剃頭髮是時
菩薩復作是念最是我遺餘鬚髮是時菩薩
以寶衣貿鹿皮用作袈裟是時菩薩復作是
念最是我應所著衣若復菩薩在道場坐正
時復作是念我不解加趺坐不逮一切智不
起于座於是便說此偈

積德從小起 當獲無量福 猶水滴漸長
必成大江河 觀此若干類 有爲行所造
應食甘露味 消滅諸惡毒
一切智成等正覺時觀世無常苦空彼已成

等正覺無有衆惱所可因緣成等正覺起者
皆悉歸滅知一切死者與彼生相應皆悉覺
知是時分別眼識作如是覺知高下隨衆生
所爲境界所有智已辦無有狐疑於彼覺知
本因緣等正覺無有邊幅爾時有衆智生覺
知有道流布世間覺知道不可移動是時盡
越一切苦一一分別境界若於一劫若百劫
若百千劫意流轉不可移動無染著意亦不
亂智慧無量亦不捨智慧意善分別遊境界
裏求其方便果報無量智慧悉具足一切無

典六

廿六

有罣礙於是便說此偈

覺一切物亦無有量來往周旋無所罣礙
悉覺一切最勝所觀除三界苦當照世間
誰能分別唯佛能解欲求微妙當求如來
如來隨時與彼相應所當成就無有退轉
爾時世尊獨遊無侶亦無有師功德無量欲
訓誨衆生於佛法衆皆悉成一切智成就成
等正覺最尊微妙無等者覺知一切塵勞所
趣根本一切皆悉成念不移動以智分別一
切法度以一切結使微妙最爲第一暢說一

切行故曰一切智已有一切智專其一心解
一切法斷一切結使故曰一切滅除去有無
有愛亦無有伴侶一切功德智成就等擁護
一切衆生如父母愛子展轉功德力成就無
貪憍慢故曰最勝布現八賢聖道而轉法輪

與六

廿七

彼喻如影不在日前在闇前此亦如是一切
結使不與道共相應是故而轉法輪於是便
說此偈

一一功德具 彼不可限量 況色不思議
一切相具足 猶如月光明 而照幽冥中

衆寶集于海 釋種德亦爾

觀諸緣起已智度十二因緣塵垢牢固起愛著之智意馳其心中或起有漏智造諸苦行而得出要道知欲滅諸結使故無有苦樂之想休息之想智以無我故得增益智與共相應識身心空智欲降伏少壯之意染著其心起依倚智自省決了滅諸結使起明慧智欲降伏結使起休息智欲度彼岸故起輕舉智自稱其身覺衆生以諦教授起滅盡智緣彼諦思惟有諸微妙禪以彼思惟故起度彼岸

智彼心得希望餘者亦得希望悉同其迹意有所倚而逮智慧四大休止處思惟與相類趣到彼岸得天耳智等度彼境界同其一行已得等度彼岸得天鼻智依彼識欲有分別智知他人心智所念悉清淨有所修行欲化衆生故便得自識宿命智爲彼善色故敷示四大便得天眼智心有所覺觀察戒清淨得誓願智大神仙功德彼三昧種子所生度諸三昧界欲長益彼故衆生歡喜便得究竟智於是便說此偈

種種人思念 親近現在前 分別種種法

以示大神仙 當覺知彼業 以捨諸塵蓋

悉達觀察心 善哉人中上

彼如實而無有愛欲不與彼愛欲相應亦無
瞋恚及殺害之意亦無愚癡覺知彼病亦無

諛諂常懷柔和亦不自歎譽語出善教亦無

有相除去希望之想亦無彼此之心不傷害

彼人自得解脫無所適莫有慈哀心所為皆

悉辦非為無慈心有悲心無雜穢想亦有護

心欲等度護衆生故有空心禁戒具足有無

願心智慧潤澤有無相心亦無所染亦無調

戲為世人民不離調戲避諸惡業而說法教

禁戒成就無所缺漏三昧成就定不移動智

慧成就皆悉至彼岸十力具足無能勝者得

四無所畏無怯弱心獨步三界於大衆中而

師子吼於是便說偈言

猶如彼大海 廣博極微妙 十力一切德

智者之所觀 猶如此大海 瀾波搖動時

有人立彼岸 不究其功德

僧伽羅刹所集佛行經卷第一

永樂北藏

僧伽羅刹所集佛行經

第一三〇册

音釋

序

迄

許訖切

援

于元切

絙

居節切

齋

持也

齊

西切

析

以警夜者

恬

徒兼切

經

猥

鄒賄切

脆

此芮切

駢

疾也

躡

陳如切

躡

陳如切

躡

陳如切

躡

陳如切

也

獷

古猛切

也

戟

戈逆切

也

葆

補抱切

也

五

來羽切

也

葆

僕

隴主切

也

萎

於危切

也

劑

量分切

也

謂

限

喘

充尺切

息

疾切

也

矯

苛擾切

也

桎

桎梏切

也

捷

疾切

也

也

也

山

堆切

也

褰

茶起切

除

加切

捷

疾切

也

也

沮

存止切

也

也

也

輶

駢述切

緹

杜芳切

貿

市易切

也

也

也

也

也

也

也

也

僧伽羅刹所集佛行經卷第二

典七

符秦沙門僧伽跋澄譯

爾時世尊云何分別生城所謂盡生無生斷
漸度血岸及諸木柵愛欲所由牢固染著愚
癡愚癡爲城無慚無愧圍繞迹無缺漏五蓋
爲門覆蔽衆生種種愛欲充滿瞋恚車無數
種種衆圍繞豎僞慢幢吹閤冥螺遊行東西
種種邪見纏絡其身自受持相作如是諦思
惟衆生種種園觀極微妙心娛樂其中樂到
彼處或到飢饉處是所求樂商人所行已度

境界行到彼處利養解脫後世有果盛熱寒
暑風雨遭此苦厄生老病死有是苦惱當屬
生死向一切趣猶如彼船隨水東西於彼中
而作是意狐疑難可入不與共合亦不可與
聞爾時世尊以三昧觀如是力難可沮壞到
彼境界彼死處悉滅盡一切吉利無有爲行
於是便說此偈
生國有衆想 已度救濟難 彼漸血滿中
猶海深無底 三世間聲響 愚城所圍繞
世尊觀彼時 以權智往壞

永樂北藏

僧伽羅刹所集佛行經

第一三〇冊

爾時世尊云何降伏魔衆所謂於八解浴池
洗善行無染著漸至解脫門善無上言教等
與住止宿名稱遠聞著慚愧衣空無願無相
以爲寶冠忍力具足顏常和悅面滿充盈布
現賢聖八道種種香熏著若干種衣本已覺
結使爲穢乘戒車等見導引前功德圍繞
以智慧力御彼車專念不移以善覺悟彼衆
生三界聞其教皆本行所追逐以意止爲鎧
手執法幢揮智慧刀以善想爲拂以十力無
畏吹彼法螺以神足之力於三千世而得自

在善分別七財四辯才不可窮盡若結使起
即使滅惠施財業百千萬倍不可稱計猶
如大象莊嚴其身攝取衆生安處善業師子
奮迅意無怯弱而開法門或現驚怖或現剛
強內無瞋恚獲大財寶猶羅刹鬼露現牙爪
有如是形狀不別眷屬或現狸狐或現魔衆
或師子頭虎身或七步蛇或跼立欲相傷害
瞋火熾然或擔山吐火若干種變其中或有
狗犬者懷憍慢或一身兩頭或弄舌張目或
身長項短或金翅鳥形手執刀杖或執輪杵

或師子吼欲傷害人作如是變怪或猫牛形
狀者鳩槃荼形手執大火鉢皆著鎧眼赤光
出擊大火炎求其方便欲相傷害彼羅刹者
皆有兩翅種種鳴鼓聲若干種滿虛空中有
如以鈴纓項猶如厭鬼或童子形手執鐵輪
種種惡行若干種狀猶如海神手執日月以
智慧力降伏彼怨於是便說此偈
結盡無恐懼 長夜樂其中 種種色形變
種種色無窮 起如是之變 亦本所造業
手執智慧刀 即能降伏之

是時世尊云何度灰河所謂度灰河時除去
希望及瞋恚思惟彼灰河皆悉不淨種種之
想皆悉除捨緣彼若干種永盡無餘所觀察
微妙時不可過度生死海合會難度皆是古
昔所造行意所愛樂伽捨救捨二種順水而
流斷其希望除去愁樹岸邊饒草如是身所
造行樹木茂盛種種啼哭百千種不善行所
造手執石亦是不善行所為猶彼海中有蟲
復往求樂處為欲所迴轉傷害境界瞋恚熾
盛眼如赤銅心修清淨欲想盈滿而成灰河

永樂北藏

僧伽羅刹所集佛行經

第一三〇册

及諸坑渠峻難色聲香味細滑皆是有漏劍
戟悉布彼地有大幽冥亦無光澤依彼隨流
上下如是之河爾時世尊菩薩無量生死中
皆欲遠離便起是心此灰河甚為險難刺布
其地極幽冥無有光明如此人衆順流於彼
我今當斷其流作如是誓願已而求方便以
法忍為世作軌倍復作方便等度禁戒地以
此安處以四賢聖諦觀察四方分別決了以
無漏等見山踞生死岸已踞彼生死岸至善
業等業等方便娛樂三昧八賢聖道皆悉分

別已欲至彼岸以神足力五根亦無所畏以
涅槃之處於彼止住解脫禪三昧衆華茂盛
不出無為者覺知分別是時世尊為契經者
錠光佛之印一切華無上佛名毗婆施生
彼種姓家堪任說法於是便說此偈
有力無有限 當懷恐懼心 灰河深無底
愚者樂遊彼 爾時世尊力 度彼沒溺者
已到安隱處 為人說其要
大商人本誓願成就志性柔和依種種功德
而自嚴身隨時適化為衆生類觀結使根本

獲智慧降伏彼惡使就善隨時智成就善觀
諸根法常微妙善依彼智善問智成就恭敬
忍善說第一法彼義說法義辯善成就賢聖
究竟智成就法辯成就所謂義辯者名身句
身味身皆悉分別若干種聲彼辯才義善猶
如此名身句身味身皆使趣善音響辯才善
於此三辯才與共相應解脫三昧於道迴轉
善知他心智成就彼有所授決亦不移動先
問其義說無礙法使趣一智慧道彼皆成就
授決成就無處智成就善起一切諸法於是

便說此偈

有現智慧寶 亦說諸義辯 淡泊無佛等
功德亦無雙 本去心無來 安使作淨慧
以救世俗業 為世間甘露

爾時世尊云何說法所謂隨前所求皆悉充
足為說解脫德義如實不虛味盡具足隨其
時節漸漸與相應義中間皆悉分別前後與
共相應種種若干界隨如意說應前人器諸
法義有勇猛意有諸智變化有果實分別法
界無有限量一切智所為起如是法亦無所

永樂北藏

僧伽羅刹所集佛行經

第一三〇冊

倚除去希望覺法行業亦不自稱譽與衆生
說法解諸病本末三意止成就不懷希望攝
取彼衆歎未曾有天人所供恭敬善住彼處
於是便說此偈

如彼永滅法 最勝口所宣 善說牢固行

智慧等無量 彼是甘露味 外不受塵垢

已鍊諸瑕穢 亦無雜惡患

彼無有穢惡除去愚癡意性清淨以捨外事
當成佛眼意無所著亦無瘡痍以愚心意不
造過去彼以休息皆悉平正心不移動得第

一義一身苦行彼行造若干身亦無衆相於
聲聞中或以天耳聞聲彼無所持於世俗中
起知他人心智種種有爲行不以爲勞以衆
生故自識無數宿命之事如今娛樂一切色
行或以天眼觀色衆相亦不移動諸結已滅
已現非義以苦誓願故亦不造希望休息清
淨彼智不堅住識處欲已盡彼已般涅槃義
流布世間內自依倚於是便說此偈
意無有愚癡 寂然無衆行 佛所覺意業
是故我歸命 爲彼人說法 清淨無瑕穢

遊彼園觀間 及諸隱學處

爾時世尊謂是福田依彼福田有所希望猶如依麥謂麥田稻田彼佛世尊亦復如是依福田故故曰福田以是故號曰福田若干百千行成就此福田智慧根所生思惟等業已度到彼岸依彼而說法無起滅之想亦無彼此心除去斷滅等見等志無彼等見想等志吐妙言身等善無惡響亦無有染污等成就身亦無疾患等見生等語成就命成就以歡喜果故彼一切時盡微妙無有上於衆會上

最爲第一於是便說此偈

福爲第一田 無數劫清淨 愚者不觀察
彼則墮盲冥 諸有好信者 受施能消滅
今已安處住 必逮安隱處

說世最希有出現猶如優曇鉢甚奇甚特荷

卷七

六

負衆勞歎未曾有出現於世中間有如此勤勞有此未曾有出現於世甚奇無與等有大道生亦不依辟支佛等不等處有如是生猶如日出不擇坑渠悉照有如是大智慧而照極淨福田生如是增益天衆善行所致如是

出世益衆生類布現教誡無明闇蔽永盡無
餘欲布現道解脫生死各各相依倚猶彼衆
生有形之類皆悉莊嚴是時衆生極被潤澤
第一衆得成與解脫相應因道迹諸惡已息
思衆生類與說法味作諸橋梁度彼人民於
是便說此偈

其有衆生類 觀察如來者 皆發歡喜心
即得離世患 第一微妙福 娛樂親屬衆
發趣涅槃道 寂然得解脫
爾時世尊有此解脫於彼愛欲諸蓋心不與

相應故曰解脫也彼精進亦不懈怠所生根
本數數修習清淨無瑕功德不可限量不斷
解脫境分別因緣亦不起法想所願充滿亦
無有嫉妬心諸垢永盡度諸塵結以智不處
生死亦不捨之智慧解脫分別猶秋月明照
幽冥處皆使有光猶如流水樹木皆悉潤澤
隨時敷華猶彼水駛流沫隨水迴轉所生至
到處皆悉充滿世尊亦復如是無餘涅槃解
脫駛流於是便說此偈
佛能滅衆惡 解脫最爲妙 除闇現照曜

如月星中明 晝與夜無異 常住不移
既得解脫法 智慧照現彼

爾時世尊有是盡智分別盡智我已知苦集
已除已盡爲證而修行道作如歎說本所造
行療治彼疾姪怒憍慢究盡其源以等智滅
姪欲此是涅槃之智如實不虛譬如有人受
衆苦惱無能度彼人亦不可療治現病原本
便作是念境界微妙如是所生皆悉修行除
去陰蓋斷諸結使譬如有力之士種諸病根
無能當者未起方便意彼亦不可療治有如

是患姪怒癡以盡智使得歡喜猶如有人常
畏險難之處彼有種種苦惱疥疾彼若見一
浴池清淨無有塵垢交池兩邊有清涼風起
魚龍遊戲視水見底虛空清淨亦無雲暄優
鉢拘文陀華悉滿其中枝葉華實皆悉在水
中生有是種種微妙樹生其中若有見者皆
懷歡喜心然此人於彼浴池除去苦惱亦無
飢渴得是歡樂所爲已辦於彼浴池底有微
風起觀察是時若於彼若坐若卧彼世尊亦
復如是本所造姪怒癡皆悉除盡於生死原

現如是浴池何者於三界所生衆生拔濟苦惱皆悉成就以爲橋梁復以等見猶彼清涼浴池等三昧清淨未曾有移動等志猶彼魚龍等解脫顏色無比等方便猶彼優鉢拘文陀華觀無有馱等念智慧猶彼重雲世俗三昧不以經心與七大衆圍繞若得彼浴池甚愛歡喜彼於法浴池中洗浴若飲所有姪怒癡永無有餘亦無衆患亦無飢渴成就如此法復以斯法惠施衆生至涅槃所作已辦亦無恐畏到安隱解脫處念樂至無餘涅槃界復

以善法使衆生共是時佛世尊坐不移動於是便說此偈
日夜所造行 欲使衆生安 究竟懷歡喜
無有若干苦 況當長在世 衆患常逼已
不以苦盡智 離俗至彼道
爾時世尊有無生智所謂彼無生智者我已知苦更不復盡苦已盡集更不復除集已盡爲證更不復作證已修行道更不復修行道以是之故名曰無生智也是故無生智彼智大功德大事興以滅本末猶如種穀子隨時

漑灌與共相應稍稍長大隨時茂盛或時不生世尊亦復如是識子爲智人所燒各各與相應除生死原識處無欲亦不常住諸行已盡於其中間所起心垢不可思議心所造更亦不造於是便說此偈

諸起無生智

與七

諸佛所擁護

九

覺知苦原本

超諸苦惱患

彼智無怯弱

清淨而無瑕

於彼坐道場

無起無滅意

爾時世尊布現於戒起諸村落城郭人民皆使奉持禁戒具足其有犯者不與彼相應消

滅惡心與彼相應與十善行相應使淨衆生盡同功德如是衆德成就在衆有是功德無衆亂想於中力勤行前所誓願皆使獲果不歡喜者皆使歡喜前於諸佛所造功德得歡喜者重令修行未曾有出世降伏外道解脫功德爲慚愧者皆安隱之以威儀禮節故於現法中而盡有漏斷其根本更盡餘漏而不復生與道相應作如是說使梵行久住天人得安隱彼教誡語皆悉受誦諸比丘隨其所犯皆悉避之作如是語已盡擁護猶如孔雀

護毛犛牛護尾於是便說此偈

如來結禁戒 爲法而布現 第一樂奉行

猶如戴天冠 設有住彼者 得此三昧意

無有犯此者 如海不過際

是時世尊有如是微妙之首牢堅無缺漏視

之無猒不可沮壞猶如團蓋觀肉髻相無比

無有能見其頂者無有能攝其相彼有微妙

眉髮善生善分別者髮細青色極微妙於是

便說此偈

釋梵及世人 盡集觀生時 皆悉在其上

無能見其頂 本不起輕慢 得爲釋師子

由此行報故 得是頂上相

爾時世尊有是微妙之髮善生在頂上各各

輒細而生無有參差亦不亂錯各各齊等螺

文右旋諸相具足善住如是色相極輒細暉

暉光生其光徹照無與彼等者猶如藕莖絲

極輒細無能度其上者亦不可沮壞其有眼

見者皆獲安隱福最爲第一善香種種熏皆

是衆行具足有如是相滿行所行成無上等

正覺於是便說此偈

軟細無長短 髮如紺青色 如來顏清淨

如夜清月現 種種香遠布 聞香悉分別

細軟風吹香 猶彼摩羅山

檀栴

爾時世尊有如是額牢固如金剛極平正亦無有皺方正其有觀者皆懷歡喜而無厭足

亦不點汚亦無白黑處所充滿所行業不缺

漏見者歡喜無害意眼淨無瑕衆人見者一

切吉祥無數百千行所成辦然後得如來額

爾時即說此偈

微妙極清淨 盡脫諸惡行 佛額不思議

永樂北藏

僧伽羅剎所集佛行經

第一三〇册

如象牙在水 彼所說言教 如來額無比

如虛空清淨 人見皆歡喜

是時如來有眉間相最明曜處面門中猶牛

乳色極軟細猶如白縞練白雪色如日初出

如拘文陀華色極白無比如秋時月極清明

卷七

十二

淨右旋亦不太高亦不太下一切無罣礙其

有觀相無有衆病長與肘等極微妙色不可

思議放光已還復其處皆是本行所造猶如

此面微妙於大衆中而說法教於是便說此

偈

種種百行造 如來眉間相 此是福良田
亦是本行報 不麤亦不細 右旋色微妙
出相與肘等 三世無不見 如來眉間相
清淨無衆瑕 猶如安明山 於衆山第一
於諸法自在 能淨衆生類 如是面滿相
無過眉間相 彼色行所造 解脫無有比
已滅意垢火 衆生同其淨
爾時世尊有如是微妙清淨之眼猶如彼百
葉華色葉葉各離無幽不照猶如虛空優鉢
青文陀羅華色眼睫極白猶如鴈王而無有

異極白無比最爲第一觀四方刹皆悉見之
於其中間皆悉見彼刹有形之類皆悉分別
彼無有欲亦不卒暴無有瞋恚亦不與瞋恚
相應觀彼刹土善惡之行所有微妙之事亦
能觀察亦無恐懼驚怖之心修行慈悲得不
邪視於一切衆生亦修喜無有厭足以守護
諸善法一一分別徧滿一切刹彼作如是知
觀無有惡無懈怠於是便說此偈
眼淨極微妙 一切不可沮 百福之所造
然後成如來 善法極清淨 亦無有衆惱

面色如天王 是甘露出現 法相亦具足
亦無衆惱患 亦如彼明鏡 面像於中現
觀彼衆生處 視之無厭足 然後成正覺
演說甘露法

是時世尊有如是微妙鼻本無數百千劫生
中起是種種智慧皆悉分別於生死處拔情
愛刺欲度到彼岸欲拔一切愛刺爲世人民
勤行如是苦行以惠施人或以戒而度脫人
皆是本所造一切義具足無雜穢療治瘡痍
猶如金聚色最第一明欲得到彼處者心所

愛樂亦無欺詐於彼布現一切取要行所造
於是便說此偈

微妙無雜穢 如來鼻第一 猶如鸚鵡嘴

是故歸命之 當在面門中 衆生所宗仰

彼鼻如是妙 如頰頰陀華

似鸚鵡

是時世尊有如是齒無缺漏平正無高下猶
如白雪螺色亦如彼拘文陀羅華色有此微
妙色極清淨行具足有光明悉脫諸惡行猶
如金剛不可沮壞牢固如來齒四十上下各
四牙齒上有千幅輪相於是便說此偈

如來齒平正 談法極微妙 無缺無墮落

猶彼提勒華 眼淨極微妙 善色無變易

釋種種此德 方齒四十具

是時世尊有如是廣長舌未曾有虛善色不

可壞如何舒伽樹華增七猶蓮華葉極軟細滑

亦無麤言穢語除去淫怒癡患生安詳處歡

喜受樂禁戒成就有所宣說無不得度者以

法智濟拔貧窮於想味姪怒癡得解脫皆是

本行所造如來舌相皆悉覆面甚奇甚特於

是便說此偈

百福所造行 如來舌第一 齒唇悉平正

常吐甘露法 若得若干味 好色及不好

悉能分別味 次第不失序

如來是時有如是言教說有漏行善音響無

麤穢言辭功德等具足功德無量有常無常

行志性無怯弱甚深無底色最第一所說言

教終無有煩義義相應現本緣起善分別法

方便隨時教化衆生無有瞋恚自莊嚴身息

意爲樂供養智者歎譽名稱合與相類猶如

鴻鳥樂彼淵池諸有遭百千苦惱者皆救濟

之使衆生類悉得歡喜於生老病死度到彼岸無希望想得最勝行心無衆結現諸善行得未曾有行以船渡水無有恐怖度一切生死歎譽禪德功德微妙壽命滅心意至涅槃界得甘露法滅一切生死原指授善惡聞者不懷怖如光不可蔽於是便說此偈

以法禦示現 供養佛所行 以忍之力勢
如彼華開敷 飽食甘露味 盲冥不度彼
能食此甘露 得度生死地

爾時世尊有如是響所說功德亦無麤獷猶

羯鞞鳥音極微妙聲徹四方展轉聞教於衆生類有是力勢亦不出衆外皆悉聞淨聲悉是本行所作如梵音如哀鸞爾時聞有五種聲甚深無底所有言教降伏外衆猶如彼龍改本所習往古有如是色極妙無怯弱若以眼觀察而知之無所滌著息心與味相應此數息心無厭足亦不相違不與瞋恚相應此皆行報功德所致故曰樂沙門有如是心依彼心有如是五種曾聞水流聲聞已歡喜況當今聞如來言教長益善振聞音響歡喜長

典七

十四

益解脫於是便說此偈

聲響柔和好 佛意息心樂

善勝來聽教

功德無有量 諸有聞音響

本行之所生

已能覺知彼 降五百孔雀

爾時世尊有如是面甚清淨無瑕穢極端正

無比善眼觀無厭耳垂睡脣如朱火色如天

真金齒極白微妙無極平滿無點汚亦無瘡

癢亦無愁憂無有衆惱觀者皆歡喜其功德

不可稱量有第一香本所造行猶如月滿極

淨無瑕穢最尊第一若結加趺坐與大衆說

法前後坐者皆見其面若從禪起先與衆說

法於是便說此偈

一切歡喜樂 欲觀如來色 以得見如來

猶彼月盛滿 得利第一樂 無過如來衆

三五月盛滿 等說如來樂

共七

是時世尊有如是頭善生牢固極端正無比

十五

無有高下與自身相相稱色最第一猶彼那

羅延天八臂力不可盡滅彼處所與金色相

類彼相最微妙善色極妙一切無罣礙於是

便說此偈

滿足最微妙 漸漸緣彼行 如來有此頭
釋種種無比 一切無能害 發意於如來
三界衆生類 歎彼如來德
爾時世尊有如是臂善生無比如彼須彌山
肩亦微妙無與等者無高無下極輒細猶彼
娑盧樹王輒細不可害如瞻蔔華輒細不麤
所生輒毛色極青各各右旋極輒細一切觀
者皆獲歡喜極微妙伸手降伏魔地證知我
於是便說此偈
猶世伽鳩樹 降伏諸魔衆 譬如金剛杵

是故歸命佛 爲三界唱導 爲法所光照
彼意無有量 歸命最勝前
是時世尊有如是手極自柔輒善生無比亦
不壞敗無缺漏手具足滿猶高山峻手有千
輪相指間連膜爪極白淨如日放光如優鉢
華皆悉敷華葉輒細若說法時衆生聞者無
不得度言常隨時於本所造生處光明徹照
手掌解脫若得慈悲尋光明來皆悉得度善
分別衆生遠惡就善與衆生說法於本生處
得慈悲喜護欲除不善行修諸善行告衆生

日一切皆苦莫受彼塵垢獸患生死衆生清
淨使得希望欲除彼幻惑若彼坐禪時一切
魔衆皆趣彼所種種車乘騾驢駱駝象馬聲
牛禽獸師子狗猪羊或作馬頭種種形狀帶
刀張弓執箭或撞鍾鳴鼓盡作魔衆形欲來
害三佛是時世尊^{十七}以指案地此地^{十六}大山林城
郭泉源浴池種種泉源皆有珍寶滿彼浴池
或盛金鉢中有力人扣彼鉢便有聲出手撫
法輪極妙無比於是拜首佛便說此偈
第一清淨業 轉無上法輪 如來手微妙

極妙無有上 彼手應撫轉 法輪處在一
不見彼住處 不見有誠者 若轉法輪時
隨彼衆生義 以轉此法輪 衆生得安隱
爾時世尊有如是身極方正無缺漏禁戒成
就如師子臆功德纏絡上下相稱如優鉢華
色亦不壞敗甚深行時右旋不高不下極輭
微妙皮毛皆右旋倍微妙無比猶瞻蔔迦極
香亦不少亦不老無有不與彼相應不與瞋
恚相應諸根具足世未曾有漸牢固極微妙
不緩不急金剛之體善分別衆生其有見者

皆發歡喜心觀無厭足圓光七尺猶安明山
 在大眾中猶若象王於象眾中最為第一猶
 那羅延王一切無能害者於是便說此偈
 於百劫造行 得為人中上 今得此色身
 今亦無與等 已滅婬怒癡 諸惡永已息
 是故今稽首 ^{第七}使我後亦爾 ^{十七}設起婬怒癡
 尋時能使滅 今觀佛顏色 身無眾惱患
 爾時世尊有是臍髀上下俱等善生微妙無
 比無不平處使人歡喜與身相應於是便說
 此偈

臍髀清淨妙 第一無有比 其有觀見者
 無有諸瑕穢 微妙生輭毛 善住如金色
 更不受餘趣 觀此最妙色
 爾時世尊有此踰勝如是生圓漸臍細色
 與身相稱如鹿踰勝善光清淨無與等者於
 是便說此偈
 如來踰微妙 色亦無有比 當觀一切相
 一一難稱量 當覺彼如是 一切世所稱
 設當滅度後 是故歸命踰
 爾時世尊有如是足行步安詳善住不移亦

不搖動極微妙細足指長百福相具作如是
苦行然後得之往詣道場爲世人故欲度脫
之其有聞音者猶彼龍王善眠不移動於彼
三耶三佛所行功德功德百千倍瓔珞微妙
光影無比從此已來有如是功德故拜首說
偈

愛念不可害 今禮世尊足 亦禮如來頂
如來解脫衆 其有得此信 於彼最勝前
白爪極細滑 是故歸命尊
爾時世尊有如是輻輪極圓亦無雜穢亦無

麤穢甚深有千輻輪其響柔和身具足滿諸
根不缺造大行業以四方事轉輪相一境界
具足二無怯弱心三猶如阿須倫以手障月
而無有光四設放輪便有大光猶如春時無
有塵垢虛空之中亦無雲塵爾時於夜半無
有結使病月放大光此亦如是轉輪聖王本
無如來之相於是便說此偈
人生壽百年 當滅其時節 有是聖輪相
猶彼蓮華敷 亦如安明山 第一無有比
種福之所致 如來所修行 於彼釋宮殿

來告今已至 諸天所嗟歎 如來應轉輪
若能覺知此 觀彼少處所 各各有一心
無有能過佛 志性甚牢固 放光悉徹照
日輪所照處 普度衆生類
爾時世尊作如是遊步先舉右足蹈地不遲
不疾行步平正亦不卒暴猶彼象王而無有
異行步堅固世尊身不搖動猶那羅延天是
時世尊諸有高者爲下下者爲高諸有小戶
自然廣大如來身體未曾屈伸皆是前世無
憍慢心諸有樂器不鼓自鳴諸有蠕動之類

皆獲安隱皆是前世修行慈心於是便說此
偈

彼有大神妙 無畏有此德 住處受善色
破壞剛强者 彼已捨憍慢 最覺自所覺
無愛欲微妙 住處受行報

共七

僧伽羅刹所集佛行經卷第二

音釋

澼七豔切 坑也 柵測華切 木為之也 鎧可亥切 可亥切 時文里切 文里切
立踞居御切 物而坐也 錠定音切 錠音切 鍊郎甸切 郎甸切 瑕河加切 河加切
貌丑刃切 疥熱病也 既沃北切 沃北切 聲謀交切 謀交切 輟乳充切 乳充切
暍暍羽切 暍羽切 暍鬼切 鬼切 暍域貌 域貌 皴側救切 側救切 縞柔也 柔也
老切 練練郎甸切 練郎甸切 臍臍丑切 臍丑切 體體直也 體直也 蹻蹻也 蹻也
市充切 輻方六切 輻方六切 蠕乳充切 乳充切 動貌 股股也 股也 蹻蹻也 蹻也
肚腸也 輻車輻也 車輻也 蠕蟲動貌 蟲動貌

僧伽羅刹所集佛行經卷第三

典八

符秦沙門僧伽跋澄譯

爾時世尊有如是迹千輻相輪現極微妙諸相具足色甚奇無比於人中最第一生諸歡喜百千劫所作行福所致無麤細除去婬怒癡本所作行無有偽諂無有衆惡不與癡相應不造癡行有如是名稱志性質直所作無希望不懷狐疑意有所滅除去希望行無缺漏心無彼此功德徧具足十力成就除一切患於是便說此偈

永樂北藏

僧伽羅刹所集佛行經

第一三〇冊

最勝有此德 種種行所作 分別行地業
如日出照明 彼輪隱地現 心意所觀察
當自歸命佛 如是以印地
爾時世尊如是笑作如是因緣本行所造愍
彼衆生故便現如是笑是時世尊笑時有是
第一柔輭極淨微妙所聞經耳見佛笑無塵
垢清淨無瑕本所修行亦無虛言猶如優鉢
瞻蔔華有種種香布現甘露語種種光第一
微妙心能分別爾時世尊身作黃金色猶高
山峻繞彼三市生阿迦膩吒所於彼天宮諸

得信者承受如來教誡無所違失展轉相告
便歡喜於如來爾時世尊本所造行於是便
說此偈

青黃種種色 口演禁戒光 出要如來身
天人所供養 如來眉間相 三因緣無比

至阿迦膩吒 來至如來所

爾時世尊有如是光皆是本行所造身後有
是光極妙善解脫光最第一身體有光見者
歡喜種種光明瓔珞其身諸有塵煙羅睺阿
須倫所不能障五結解脫除去愚癡爾時世

尊現甘露使彼衆生得遇此味自然神足不
可思議於是便說此偈

身體善解脫 無有能沮壞 十力有此光
愚者所不見 如來有神足 示現衆生等
大光蔽日明 是故歸命光

爾時世尊者如是衣不高不下隨時著衣滅
生死原草穢不著衣服境和悅所至到處皆
悉歡喜有如是果實是故尊者難陀衣裳鮮
明及諸比丘在世尊側著僧伽梨無有能污
如來衣者是時尊者難陀歎未曾有往白世

尊欲知著衣之法世尊告曰云何難陀本無
如來長夜出世云何除衆生姪怒癡垢永盡
無餘便隨彼教設當作是成就者隨嵐風不
能動此衣塵垢不染於是便說此偈

如來所著衣 自覆身形體 蓮華不著垢

此衣亦如是 若隨嵐風起 力勢難可制

欲動如來衣 誰勝十力者

爾時世尊如是乞求諸豪尊家不擇卑賤普
悉周徧無有邪命不俯食不瞻星宿卜問仰
食不受信使往彼食不觀四方食不呪術幻

惑食不田業依倚食所以乞者救濟彼故無
希望意不染著食爾時世尊食無有更樂所
有染著觀如是業而受彼食亦不貪著無姪
怒癡亦無迷惑除迷惑心皆捨離染著心不
與共俱以捨彼欲愛不可沮常愛樂彼以禪
為食亦無我想典八苦皆悉捨離現非義三此身必
盡以知捨離三事清淨無姪怒癡今云何食
欲現此身無牢固故長養其病使火不起皆
悉除棄不生亂想布現甘露修梵行故痛壞
敗不造新痛以是故世尊受彼信施食彼果

身所造報欲使安隱擁護世人於是便說此偈

處處家家乞 欲使得正法 於彼園觀處
如六足食味 不擇食好醜 不生善惡意
彼不可沮壞 心欲味解脫

六足
蜂也

爾時世尊有如是卧牀山巖穴處露坐園觀
水側泉源種種華果茂盛處快樂無比無人
之處欲求解脫於彼止住解脫諸惡亦無陰
蓋人所不到處無恐懼去離色著常樂寂靜
與衆生說法廣說如契經於是便說此偈

檀木生華果 曼那華園觀 分別樂閑靜
青青華皆敷 於彼求解脫 是以依彼處
若詣閑居時 無聲無亂想
是時世尊以草布地無有塵垢不著莊飾極
細軟滑善生微妙若見彼影觀無厭足皆悉
觀察不高不下作是思惟展轉相依名色六
入現彼無有盡或以草布地有數降伏彼故
布草而坐無有欲想以草爲蓐亦無結使皆
悉清淨古昔諸佛所造功德亦無所攝無貪
著得證通多所迴轉亦無衆惱生諸結使草

齊整亦不錯亂依彼衆生亦無陰蓋得三昧
證通以右脇著地不久睡眠尋起經行而修
行道以無覺三昧故右脇著地欲降怨敵故
昇師子座著五細絲現色非真沙門色形無
所染著而修梵行依彼衆生求解脫心於是
便說此偈

卷八

無根善衆生 釋種之功德 心所造善行
心皆自覺知 善哉大法義 無能得勝者
今於如來衆 以草除欲愛
爾時世尊云何覺知諸根所謂曩昔作如是

根氣味與相應以道故生此根降伏顛倒欲
使諸根順流與生死相應此諸根起不淨行
而依餘緣此諸根貪著世間亦染著於樂此
諸根起諸力勢一切結使熾盛此諸根驅逐
身流轉不息此諸根不成就大義此諸根迷
惑經歷諸境界此諸根猶彼劒刺傷害此諸
根苦惱此諸根猶彼瘡癢漏諸結使此諸根
猶如疾病無有力勢此無有厭足恒求不止
此諸根不休息數數起結使此諸根猶如毒
藥不斷苦本此諸根不被訓誨與諸惡相應

此諸根不藏匿境界劒刺所縛此諸根無所
護氣味不具足此諸根無有心流馳境界斯
諸根不修行欲火所然境界長益此諸根有
諸苦惱遊他境界一切身心有苦於是便說
此偈

根滿境界中

第八

為惡所將御

彼心常熾然

猶如熱鐵丸

如來教善哉

將至安隱處

無有諸根患

況當有境界

爾時世尊云何覺知心所謂依境界生便長
益此心亂想不定此心猶如疾風此心不疲

獸緣惡招致殃此心速馳猶如夢想此心貪
著境界猶彼獼猴此心自然行種種貪著猶
彼孔雀翅常自顧影此心馳走遠思惟財業
此心起諸陰蓋亦如野馬疲獸不停此心難
制御於境界不住此心猶如王常得自在於
是便說此偈

第一甚深妙

心智無有限

夜叉須臾脊

三世不能覺

彼得是自在

自然有是念

世間無有明

我為作法光

爾時世尊云何布現覺悟世間所謂世間無

所恃怙貪著已身此世心無所依貪著境界
此世惡業依種種邪見如是此世自然所造
此世墮邪道流轉趣惡此世處惡趣猶如獼
猴此世無有照明爲五陰蓋所覆此世盲冥
不起智慧眼此世飢渴渴愛無厭此世熾然
種種結所縛此世少味猶蜂採華此世無所
依便當壞敗此世遠遊乘輪而行此世繫縛
而處生死此世衆惱生老病死至此世非妙
必當壞敗此世無救護爲痛所逼此世非已
所作必捨之去此世機關展轉相依此世種

種行將引惡處此世如幻化而現色像此世
無益生彼壞敗器此世輕舉所依不成此世
難覺寤無有境界於是便說此偈
衆生遭苦惱 觀世無有世 以智慧求道
當親近彼處 漸漸從小益 欲得愛其命
此必當壞敗 是故滅爲樂
云何於此生度泥塗猶彼池水蓮華子於其
中間萌芽生漸漸長益此亦如是五味皆死
以識處往生有爲行所造圍繞爲風火所成
爲僞慢水所漑受死於其中間生萌芽猶如

彼萌芽生此亦如是萌芽生是故非斷滅常住猶如彼先觀萌芽此亦如是彼衆生縛著是故非斷滅有常猶如彼地爲風所吹此亦如是四大牢固受諸苦惱此亦如是是故一切自然猶如自然不壞蓮華生萌芽是故一切非自然一義所習猶如彼外四大爲風所吹更不復造此四大此亦如是是故一切當捨猶如於彼有生衆行此亦如是是故彼法猶如彼萌芽與子相似此亦如是大人之相不可毀壞如是性所造猶如蓮華子生萌芽

是故此無數亦不有生者猶如彼萌芽生時無有來處此亦如是是故無來無去猶如彼去時無有住止處此亦如是是故無住處猶如彼萌芽俱長益漸漸敷華此亦如是無高無下猶如彼蓮華萌芽必當長益此亦如是本所造萌芽於胞胎中漸漸長益猶如彼蓮華茂葉甚可愛欲此亦如是所造衆行甚可愛敬猶如彼當熟時此亦如是子欲熟時髮毛爪齒及五根皆當捨離六情衰耗意根解散捨此身猶如彼華必當大熟猶如日光色香

甚微妙蜂王所遊行甚可愛敬此亦如是初
生之時四大日光所照勇猛胎所覺與彼得
相類是故憍慢皆共相依甚可愛敬飢渴生
死謂欲爲樂彼愚癡者有如是顛倒之想此
亦如是一切時節不脫老死猶彼時節無有
力勢爲熱風所吹盡捨離之華實各離亦無
所緣亦復無蜂亦無鮮色無樂彼者此亦如
是漸漸耗滅於此生中無有力勢誰有命存
內外皆損滅無少壯力皆當喪逝無有莖節
無齒髮無見無聞無味無香無細滑亦無更

樂身體壞敗所有憍慢皆除盡亦無味著無
熾盛意已越色皮緩面皺無少壯力已有是
老不受種種色壞敗男女衆所害而愛著彼
猶彼枯朽亦無有香各當散離此亦如是命
根已盡當載向塚間猶如彼蓮華子熟後復
生萌芽此相亦如是數數受有猶彼壞敗華
莖想衆生類於是便說此偈
是故當棄有 亦當觀此華 猶彼生胞胎
慙慙當求滅 欲求生萌芽 知樂空無有
欲得到彼處 當從自意求

世尊海者其義云何所謂第一度衆生到彼岸思惟無量增益功德清淨無瑕有大智慧解脫無怨恨心第一得解脫以善覺觀不離善根名聞遠布智慧普至種種香遠布猶樹茂盛七覺意寶分別無常苦空無我已度智慧百福具足常入三昧無有亂志勸助衆生使發善心能成辦一切種種三昧於學無學中最爲第一布現於法未曾懈倦等度平正語言柔和清淨無瑕無姪怒癡於大衆中功德第一普慈一切安樂休息教授境界常念

恭敬功德無窮極當於爾時世尊九十一劫中漸成此德覺知一切甚深之業欲使一切群生同其一味說法不失時節常與彼相應十力珍寶具足一切衆寶依四無所畏止宿四大爲彼衆生故不選擇尊卑已度世八法無增損之心於是便說此偈
是故當求度 慇懃於道船 如來海無量
是故拜首佛 已度到彼處 功德福無盡
以有此苦樂 當求安隱處
如來船者何者是所謂善造牢固果報習衆

無所違失亦不缺漏衆行具足諸惡未盡第一甘露禁戒用纏絡身無斷滅有常想已住休息得住彼道常愛樂忍不起瞋恚分別五根等見無異想種種清淨解脫空無願無相三三昧具足常懷慚愧度彼猶豫禪四等無色三昧種種行悉分別無有限量觀汚露不淨第一忍智常現在前姪有覺想皆悉不淨常念遠離金剛三昧而布現之無量方便欲度衆生覺意珍寶與智相應修行出要道無生老病死患更受胎欲度衆生於三世行具

足不可沮壞不樂一切世俗觀一切相欲得捨離如是無增減心能度一切衆生以十力之船長夜度衆生使度彼岸常有此觀不爲已身第一聲聞入徧觀三昧作種種觀承事供養繒旛華蓋以三三昧爲佛印以冷栴檀塗身五通徹視種種香遠布以四無所畏爲螺鐘鼓具足無缺漏無常苦空無我欲得離生死海降伏魔衆皆使碎壞盡無爲處分別法想一切不受不度者度得滅識處無苦樂至涅槃乘福車爲四部衆皆使歡喜踊躍不

自勝以善身口意十力船載衆生皆得至一切甘露涅槃處於是便說此偈

無數劫苦行 而造福德船 善趣安隱處
爲三世救護 彼歡喜之心 疾度生死岸
一切悉當終 盡當有是樂

爾時如來有如是日所謂禪四等具足之行
無缺漏無穢行善將護爲一切戒名稱遠布
種種衆生類皆悉敬仰使得樂止處心得歡
樂無數百千劫修行苦集盡道現第一義以
智慧照明除愚癡冥消滅諸苦遊彼衆中皆

悉成就十力無畏勇猛意於三千世皆悉破
壞敗護不度者智不破壞爾時世尊於彼現
日明無漏行具足乘大乘車等御無畏如風
吹帆以念車皆與彼相應而現在前以等志
於彼所有皆悉具足等三昧思惟一切衆生
類彼於三世具足翼從悉承受其教意無欲
怒癡憍慢捨諸結使天人衆以華供養無有
五蓋以信財布現一切衆皆使覺知無有塵
埃諸結使無礙如是世尊爲日光明於是便
說此偈

百智已具足 於彼衆無缺 已現三世光
是故拜首光 無數百劫行 滅愚盲冥癡
已能度此岸 當拜首慧日

如來蓮華者爲何像貌所謂第一功德所成
於三有得度有信於衆生清淨等智普悉周
徧以精進力得度彼岸消滅雲霧禪悅皆悉
得度念解脫無衆想以觀息彼種種穢患亦
無異意等見滿足悉成辦之皆悉覺知以戒
定香香聞四遠以清淨光壞衆生類猶彼蜂
衆響若干種悉分別了於三有等得解脫衆

生皆得希望種種方便欲安隱之甚妙觀無
厭足一切根無缺漏於息心衆中姪怒癡憍
慢之患更不熾盛極清淨柔軟而得度脫於
是便說此偈

清淨之所生 供養華無比 無數功德具

第八

微妙最第一 欲得休息樂 衆生得清淨

十一

已能覺知彼 謂呼常有聲 已之所歎譽

與世而相應 微妙第一色 善香最爲妙

人中最爲上 世人所歎譽 我今拜首禮

無著大神仙

爾時一切智有如是雲所謂九十一劫所造
行思惟不淨神力所制所說無有異盡諸欲
愛無有愁憂於諸三昧得到彼處以大慈悲
爲一切衆生使得功德百福具足使彼得休
息已觀而觀彼於人民阿須倫鬼神之衆於
三世而行慈皆使得清淨蔭涼得解脫門至
要之處復以智慧光洗彼清淨人民之衆下
至男女皆使得善於彼遊行得諸忍業得甚
深法善衆生法而種善根衆生飢虛甘露之
味憂彼不得度脫者以修行之法使彼覺一

切有爲行皆悉無常苦空一切法無我涅槃
爲第一樂等度此苦樂善悉分別言語具足
於種種衆中稱揚善法種種解脫根姪怒癡憍
慢之法盡捨離之以無畏金剛之志度彼勤
苦之患於他衆中使受正法有恐怖者一切
智皆使慙一切一切惠施無所著是故拜首
禮雨甘露於是便說此偈
功德出照明 十力雲無比 當發歡喜心
說甘露除渴 已得無所畏 是一切智雲
已有降伏外 是故食甘露

爾時世尊有如是火所謂彼求行人民之類
皆求喜樂解脫得四等心所求已度第一義
具足與智相應一切徧三昧有是神力種種
名聞諸根力具足等至甚深已有此力無數
百千種此根戒一切法得自在三世最尊以
十力威神得無所畏是^{第八}第一解脫得^{十二}第一光
明第一空寂有如是之德布現深法於彼衆
生類訓誨使行忍度諸瞋恚言語柔和無所
傷損滅一切結使於學無學於四部衆善已
修行指授苦報如是彼功德極無量智成就

發趣於涅槃門而得供養第一尊重潤及衆
生是故拜首禮佛火於是便說此偈
能焚燒草木 火最無有涯 佛火第一妙
是故當拜首 佛火已滅盡 苦樂不復起
猶有遺功德 流布於世間
爾時世尊有是園觀極柔軟禁戒成就於彼
處所無有五蓋亦無石沙穢惡亦無岨山一
切諸法根本皆悉得自在大慈悲清淨無有
垢穢極自娛樂等度到彼有如是思惟功德
諸行淳淑力勢所爲成善根本亦不移動於

永樂北藏

僧伽羅刹所集佛行經

第一三〇册

法忍無狐疑等見八賢聖道悉具足得諸供養無數百行不可稱計戒三昧具足十力悉無有疑諸陰盡解脫清淨誓願已果枝葉繁茂於彼生華實生若干百三昧林悉皆茂盛等見無邪見禪無色而自樂身慈悲喜護常加衆生於其中間分別七覺意息心第一果與八慚愧圍繞常念惠施求出要故有是清涼雲以力拔諸結使有此勇猛欲得解脫功德不可壞善覺集在彼除彼衆生姪怒癡得無所畏猶彼阿若拘隣舍利弗大目犍連迦葉迦

旃延子阿那律難提金鞞羅難陀離越於彼聲聞園中爲聲聞王功德無比浴池清淨一切布善三世所歎是故拜首禮頂於是便說此偈

善興三世護 爲彼萌類故 覺意華飾身
解脫果成就 聲聞衆中王 生功德無穢
常求彼樂處 必獲安樂處

爾時世尊有如是空意同一色廣布無邊故曰爲空斷諸欲愛一切無所住以智果報一切潤澤無有諸結亦無諸蓋以三昧受度諸

塵垢善出要以解脫清淨月善光以功德無
量意專一生常修一生梵常懷歡喜智慧眼
清淨而境界淨斷諸結使故無所著已得大
慈故一切無處所分別意故種種得成就得
供養故不染於結使依彼心故不以淨不淨
染污其心依彼聲聞衆種種鳥圍繞止觀具
足故極微妙不盡三昧林故星宿衆圍繞以
正法降伏外敵故難以爲儔匹當作是觀猶
如有人得歡喜究竟其業必不有疑退轉本
處於是便說此偈

歡喜念愛樂 無有結塵埃 此有若干色
復能悉分別 一切得等意 欲作是稱譽
已到越彼岸 無有喜樂心
是時世尊有如是輪意止具足報力覺意無
有缺漏皆自莊嚴四神足最第一四意斷善
莊嚴身善口說教遠布七覺意等見而得解
脫以止觀無有癡愛已度彼三昧得無所畏
爲師子吼無有恐懼辯才無礙得信歡喜精
進無懈怠念境界得度彼智慧解脫遊彼魔
境界無有欲愛功德具足消滅諸惡趣三乘

永樂北藏

僧伽羅刹所集佛行經

第一三〇册

果微妙第一若成就滅彼魔衆三欲永盡諸
有愁憂苦惱永盡無餘亦無有愛亦無五蓋
亦無瑕穢依彼身盡捨離除去狐疑無有愚
癡有覺有觀亦無憍慢隨時興起亦無顛倒
永除邪見有威力歡喜滅結使降伏魔衆於
是便說此偈

一切人供養 救度衆生類 無護爲作護
魔前轉法輪 彼輪無有等 天人所歎譽
已有此名稱 彼最爲第一
是時世尊因何金剛降伏彼魔所謂爾時世

尊棄禁戒車被弘普鎧有諸忍力以大雲爲
清淨幢蓋以無結使執無欲權執持等見緣
四禪愛慢得解脫清淨等志等語皆悉清淨
以辯才智神足莊嚴自專其意解脫牢固無
姪怒癡以覺意解脫明熾然一切具足無有
英人三愛度一切結力勢不可壞至涅槃海無世
十五俗患以智慧金剛復以智業滅諸惡趣十力
解脫四無所畏降伏本所修習行無敗壞一
切種種色像皆悉成就滅諸魔衆亦無所著
於是便說此偈

種種來恐畏 金剛精進意 降伏彼魔衆
及餘諸塵結 諸有生有想 結使皆永盡
由是三昧行 故歸牟尼士
爾時世尊云何以法雨而雨之所謂轉不死
法輪於八部衆中而歎譽此法百劫所未善
行修行於慈轉牢固清淨法如是賢聖牢固
住有出家之觀大威神無著復以忍智之力
皆悉牢固解脫門若干種珍寶瓔珞本願所
追還有其方便住其東方微妙之處於彼貝
多樹下極端正諸天塞虛空向東方坐觀察

是時佛爲妙亦有中間作如是歡喜之散華
而歎觀察是時若須倫之衆聞如是之德及
諸神仙昔佛所造最勝幢蓮華稱佛錠光佛
隨葉佛於彼大衆心得第一自在爾時世尊
釋迦文一切智諸天衆歡喜皆是本佛所造
彼猶如轉輪聖王於境界而得自在世尊亦
復如是於已無漏法中而得自在猶轉輪聖
王自於境界衆生之類共鬭諍者悉能斷絕
佛世尊亦復如是於聲聞中其有衆生之類
有狐疑於法者皆悉能斷猶如彼轉輪聖王

無財實者皆悉能施佛亦復如是諸之賢聖
實者便以七財而惠施之猶如轉輪聖王導
引衆生以示正法佛世尊亦復如是指授衆
生至涅槃道猶如轉輪聖王出現於世諸閑
在牢獄者皆悉脫之佛世尊亦復如是出現
於世時於生死牢獄便悉脫之於是便說此
偈

法王爲第一 衆尊無過佛 愍彼衆生類
三界佛覆護 可事可恭敬 欲度不度者
如是功德著 佛覺不覺者

爾時世尊有何城所謂四賢聖智慧止觀於
彼戒定地善相無爲行以智慧爲城郭以三
昧爲却敵以佛解脫門爲閨以等見爲街
巷以念爲牆以意止爲塹以五根爲堂以禪
爲室以慚愧自障屏指授彼道以神足遊行
不可障蔽以覺意華自嚴飾以諦果爲行以
賢聖第一而自娛樂極安隱教授彼衆皆悉
濟度舍利弗目犍連有無數衆善想常遊教
化善滿具足所覺皆成就於彼浴池洗以戒
爲塗香辯才黠慧以爲法服莊嚴其身以三

三昧為食以法味為漿七寶具足時世尊為
大王學無學皆悉圍繞欲使彼眾到涅槃至
無畏處亦不退轉無欲於眾生得無所畏法
力具足諸陰入成就不著於塵垢於是便說
此偈

英八

諸惡已休息 大神仙所制 使彼得清淨^{十七}
十力之所說 於彼釋城郭 常畏生老病
不至涅槃處 皆由眾生苦

僧伽羅刹所集佛行經卷第三

音釋

脇

虛業切
腋下也

捷

捷渠焉切
省達合切

屺

去倚切
無草木也

永樂北藏

僧伽羅刹所集佛行經

第一三〇册

僧伽羅刹所集佛行經卷第四

典九

符秦沙門僧伽跋澄譯

爾時世尊云何說道迹於彼說道迹時猶如
王大路謂之王路星宿謂星宿路此迹亦如
是至涅槃者謂至涅槃路彼是等見處所等
志等語等命典九無有差違等方便不缺漏等念
無量等三昧色不變易緣彼若干色無有姪
欲亦無塵垢結使永使不起無有色愛著亦
無衆刺欲滅愛故亦無有泥欲除邪見故等
見具足等滅結使故永不復起彼微妙果故

現種種義欲除希望故無有衆想欲求出要
樂故若干果成就無著要故等度彼名色於
彼遊行故謂是道一無有二皆得至彼第一
義處所為緣一往者自心誓願謂一入爾時
世尊以第一辯而知道以能自覺知則不壞
敗所為業勝無有亂想果報已獲得諸善根
能覺悟彼衆生便說是道使至無為於是便
說此偈
所興衆生類 有道甘露法 佛有是功德
於世最第一 我於今自得 清淨禁戒具

為人須論說 是故我拜首

爾時世尊知鵞崛髮今應受化當於爾時無惡知識言論覺已便往彼道唯有一人存在血流盈路人皆證知飛鳥驚鳥處處噉食時鵞崛髮行如疾風若舉足時群鹿飛鳥皆悉驚怖馳走是時鵞崛髮在闍梨園中左右顧視無所覩見唯見世尊端正無比紫磨金色方便所爲腰不傾偃身體極輒細行步庠序盡其力勢走逐如來後是時世尊不改舊行亦不能及爾時世尊便化此地使作坑渠剎

棘以是之故不能得及或有作是說以脚躡地以是之故不能及世尊或有作是說化無色四大眼識不可持或作是說佛功德不可思議然後鵞崛髮力如暴象無能當者然佛威力不可思議猶彼神龍那羅延億百千數亦不能得近如來是時鵞崛髮便作是歎曰見此未曾有便白世尊此意甚奇甚特便無瞋恚害意作是思惟此是誰恩德此必是神人猶如此惡世我還此美猶如饑饉有利亦如生愛念然我不能得及此必是善知識今

我疲極住遙語世尊言

當爲我身故 世所希見聞

今亦自見德

願當小留住

世尊告曰汝自不住方言我住於是齋崛鬘

白世尊言

沙門自不住

我住言不住

云何我不住

願世尊具說

是時世尊告曰

無惡則是住

持戒護人長

如迦葉弟子

是故汝不住

彼本行少諸惡永盡流血污體便解劒捨著
一面白世尊言

師今是我護 遭遇此聖師 求爲作弟子

不違師禁戒

爾時世尊作是故告曰善來比丘便說此偈

衆九

猶彼大海水

亦生煙火焰

三未受降伏者

今應受我化

亦有善降伏

清淨而得度

亦爲我弟子

如是不受有

覩者皆怖畏

及諸妖魅神

是諸鬼神處

最勝便入彼

是時阿羅婆鬼聞彼偈陀披鬼語瞋恚熾盛

永樂北藏

僧伽羅刹所集佛行經

第一三〇冊

顏色變異瞋恚火起眼如赤銅聲響雷震無數瞋恚熾盛搖頭齧唇震動身體便作是語我於世間亦不見人民之類能來至我住處者懷如是狐疑何故彼人來至我所說彼鬼神名婆多者梨醯摩披陀爲首二善離使語彼

大鬼神言莫作是語佛世尊未降伏者能降伏之能安處衆生獲無上道皆使擁護有形之類如是不相應福田汝今麤言惡語不與相應時瞋恚大盛倍於前是時阿羅婆鬼喘息氣猶如火燄視瞻極惡便捨彼鬼界瞋恚

所纏絡身體極黑顏色變易不與常同口出四牙髮黃如金上下相叉人血汚其形皆濕不乾著師子皮著象皮著犛牛皮大華鬘如大火燄手執刀劍撞地而行皆破山岳移山林拔樹或起大雲墮覆大光明以水灑虛空聲如雷震便自到住處欲得傷害世尊種種樹木皆悉焚燒色變易手執輪雷電霹靂如是瞋恚觀察如來作若干變化求如來便時佛說此偈

衆生有畏想 我志不移動 今得解脫法

無有恐怖心 處火不畏火 亦復不畏水
諸懷惡念者 何能傷害我

爾時阿羅婆鬼聞世尊言便自息心不能得
壞彼處恐畏人所不至便降雷雨於如來上
盡不墮地各散在餘處或復有墮如來身者
皆化作曼陀羅華典九是時鬼神王見此力勢歎
未曾有便發歡喜意於如來所便作是言速
出沙門世尊便出彼鬼爾時欲試世尊便作
是語還入沙門然世尊無怨恨心即入彼處
如是至三廣說如契經於是世尊便說此偈

釋及諸梵天 無能動一毛 況得汝今力
堪任傷害吾 汝今捨瞋恚 有疑便時問
汝所有猶豫 我當事事解

爾時彼鬼便作是問人何者為上廣說如契
經爾時於現法中便於如來所發歡喜心而
說此偈

未曾見有是 如此沙門者 誰能捨大海
而就牛迹水 當為我身故 便作如是說
誰不飲此味 當捨甘露去 如彼有力士
為水所漂溺 已拔厄難處 安處無為岸

善色無有比 智者之所觀 所有彼義者
能皆說此法 自今歸命佛 三寶最是尊
所以求願者 一切得濟度

如是聞摩竭國界五地大神於羅閱城而止
大勢羅他擁護人民車乘熾盛土地豐熟賢

典九

五

聖人民皆處其中無與等者食如甘露三事
微妙亦無衆惱猶如彼難陀洹園諸天中第
一爾時佛世尊最爲無比時調達於世尊所
常懷瞋恚未曾休息所行非法以是瞋恚故
上耆闍崛山園觀熾盛樹木繁茂泉源清涼

手執石欲擲如來即便放石是時彼石無有
情念猶自能持漸漸墮地彼調達有是非義
種種鬼神輦持石欲使不墮金毗羅鬼在耆
闍崛山住以已之力彼石欲墮時便生是心
此雖惡業然我等夜又以此之身當辦是事
亦使世尊受百千樂若我能爲此事者便說
此偈

心清淨無瑕 起於若干義 我今沒此身
無得害最勝

爾時調達便以石放如來上時於山上彼鬼

即以手接石有一碎石墮如來上受此報對
脚指血出調達受無量罪緣是果報當入地
獄是時石墮地時三十三天散華供養以空
解脫爾時散華爇塞虛空於彼受化講堂三
十三天晝度樹佛光明遠照無憍慢慈愍衆
生時披羅墮時梵志以五百事訶罵世尊舍
利弗朋肌奢等比丘歎如來是時如來若被
毀辱不以爲感若復讚歎不以爲喜爾時便
說此偈
受苦心不移 猶安明不動 息意甚牢固

故拜首神仙 爲他衆生故 功德無有量
如父愛其子 誰不拜首者

曾聞如是世尊在摩竭國界是時世尊無量
功德具足到時著衣持鉢大衆圍繞諸根具
足觀察己身亦無衆亂行步庠序亦不卒暴
將諸無數比丘衆欲往詣彼當於爾時摩竭
國王有象名檀那波羅形貌極端正頭生三
屋聲響清徹意欲所至難可制持若聞異聲
便懷瞋恚若自顧見影亦懷瞋恚無能當前
者隨意所欲若彼戰鬪亦不毀其力亦不滅

少爾時世尊便入彼城却敵樓櫓埤堦皆悉
具足人民熾盛或有愁者或有歡喜者恐害
如來欲得親近如來是時締婆達堯飲象子
使醉而放彼象是時調達放象已便說此偈
自稱有大力 及身十種力 今日已集會

盡當於此滅

爾時世尊無所畏懼便說此偈

伊羅鉢有千 無能勝我者 況當此小蟲

欲害人中上

我於爾時無是思想便說此偈

無欲之力勢 衆生有欲心 以除此欲報
亦不懷亂想 復次說此偈
我今雖破壞 大象甚牢固 我今降伏彼
一切世無上

爾時檀陀波羅熟視如來形顏色極黑見彼

癸九

七

象翹尾身體方正觀者皆懷恐怖奔走向如
來爾時諸比丘蒙如來恩力順如來教戒當
避此惡象各自馳走遠如來所唯尊者阿難
在如來後無數生常與如來共并既自不惜

身命亦不捨如來是時檀那波羅象瞋恚熾
盛火纏絡其身欲害如來是時瞋恚之火漸
漸休息廣說如契經是時以手輪相甚微妙
無有比爾時如來舉手著象頭上以慈悲心
無瞋恚之心聞如來語即便涕零頭面著如
來足上以舌舐足亦不可移動是時彼象便
懷此恐懼形體無有力勢不覺便利然後世
尊以此賢聖便說此偈
無有欲憍慢 世尊無此塵 時發慈悲心
必當生天處

爾時世尊以此音響倍懷歡喜和顏悅色於
如來所以額鼻著如來足還入本國人民衆
多見此未曾有象以降伏歡喜無恐懼之心
皆有信樂於如來爾時便說此偈
如山不可動 況當勝瞋恚 以勝彼怨敵
猶伊羅鉢龍 有如是之德 力勢無有等
人中雄師子 盡當來拜首 如是衆生類
無有愚癡心 三界伏其名 覺意無與等
如是衆生類 亦有瞋恚患 志性皆休息
牢固稱遠布 智慧而瓔珞 心淨無所著

十力悉具足 是故當拜首

是時王猶如月虛空無有衆塵息心事皆辦
七神仙皆爲瓔珞亦無有塵垢星自瓔珞猶
如伊羅鉢所至處雲隨其後種種瓔珞莊飾
其身於彼聞已猶彼神象遊行珍寶亦無狐
疑四部之兵人民自圍繞於彼象上舉火象
鼻攝持爾時世尊在羅閱祇城欲得見如來
便往至世尊所是時世尊見王斯須出領無
數衆圍繞王便作是念從遠來我宜當自護
便生是念已便告耆婆見已便作是語汝不

活我耶是時王須臾間顏色端正無比出入
之上華果茂盛亦無衆塵三部具足猶蜂王
音響不善生於彼園觀比丘僧前後圍繞遠
來欲見如來見已數數顧視耆婆告耆婆曰
處其中者爲是何物時耆婆奏彼王言此名
肉髻時王復問此自然耶爲非自然耆婆白
王言行果所種非今所造王報言復以何果
成於菩薩於本所生於本受胎本所造行本
所造身廣說如契經時王便說是頌
猶彼日光明 或有若干種 頂髻無有上

沉復及餘相 顏貌已和悅 能仁無怯弱
已出此光明 照徹十方刹

時王便至佛所佛告耆婆曰云何當作是說
耆婆白王言於是天王能降伏憍慢者便得
豪貴處憍慢者便生卑處是時王便自息意
思惟是言便作是語此是福田我當行此業
耶如我豪尊云何當向彼禮拜彼無服飾我
今著王服天冠彼人雖端正心以休息衆相
具足無有醜陋彼相甚微妙猶如山不可移
動便往至門生歡喜心衣毛皆豎以出要心

故無欲之想頭面禮世尊足便作是說猶如
世尊有如是色心意得正皆悉成就佛及比
丘僧使我優陀耶披陀羅太子亦復如是便
問是義歡喜如是語亦說此偈

如海無有邊 風吹水則動 聖尊不可移
今觀人中上 帝釋來拜首 及諸梵天衆
我今當尊敬 自歸命世尊
是時閣提蘇尼梵志猶如純白華乘馬車第
子衆圍繞出舍衛國欲得試如來乃至車行
處便乘車往即下車步入園中共如來漸漸

永樂北藏

僧伽羅刹所集佛行經

第一三〇冊

論義在一面坐是時世尊所居之處不見有所有見如來顏色甚微妙無與等者亦無怯弱有轉輪聖王相見此身體眼觀知如是法如世尊法甚深微妙梵行亦無處所有如是

大功德智者所歎譽而說愛欲無有牢要亦

無虛妄是時梵志便作是問云何尊自知行

梵行耶爲非行梵行爲豎立諸根自爾智難

可量是時世尊告曰若作是等說者說者亦

不缺漏非不有力亦無衆行極清淨無瑕穢

修梵行若有人語我等說作是說此義云何

廣說如契經是時闍提舒尼梵志復問世尊云何爲缺云何爲漏云何爲行云何非不有力云何衆行極清淨無比有是梵行是時世尊告曰於是婆羅門當作是求愛欲更樂若有梵行者而自覺知苦樂觀眼色如是梵行

其九

十

如是初當求梵行設起想著彼名曰缺計彼衆數者名曰漏意所覺知者是謂非不有力無有塵垢意流馳於中起不淨意是梵行垢故故曰梵行廣說如契經婆羅門於我所觀皮所覆中不淨聚選擇見其身我色愛已盡

復當於眼而觀眼色耶然婁羅門我觀更樂
亦無有行豈當有更樂耶欲染著於更樂受
此細滑然婆羅門我觀一切無常豈欲不盡
有染著之意耶若婆羅門於此諸法我亦不
觀此若男若女皆悉分別云何當起女欲想
流馳著彼若復婆羅門彼無男欲想復不與
女想相應而起欲想耶猶如婆羅門彼有限
齊得出要樂何當憶本所造行耶然後婆羅
門諸非義生欲拔濟苦惱出家學道以此誓
願而修梵行有七事故不與梵行相應無缺

漏亦無衆行廣說如契經若復婆羅門衆生
有亂想著不離愛欲於彼衆生類云何當作
是觀諸有淨想著於此身內盛臭處欲皆盡
猶如婆羅門以水和乳猶知有此乳此合會
愛欲亦復如是當作是察筋骨相連內盛臭
穢有何可貪猶如婆羅門嬰孩小兒先與甘
味著口後飲以苦此亦如是合會起欲想能
忍欲苦相種種若干百類猶如新死犢子觀
其皮乳得多新生犢子死取皮釀草如生犢
形置其母前毋謂子活故乳不
竭此亦如是諸死境界等越度彼觀其相貌

便起染著之意猶如婆羅門飢渴之人夢食甘饌飲食便歡喜踊躍然彼人亦無所食此亦如是諸愚癡人貪著於欲猶彼夢無異合會生其念然彼人實無趣善行若男女若有衆變易於是便說此偈

此是非眞法 欲怒何可貪 梵志當善觀
苦本難可拔 親近道最要 當斷愛欲意
賢聖八品道 爾乃至善處
是時五人遙見如來見已便相告言彼人向
比來本所爲事今亦不辦廣所見聞隨意所

食無有忌難種種勤苦行迷惑未成道術廣說如契經爾時世尊便作是念愍此愚惑人自作制限彼制限者無有恭恪心於如來所爾時世尊以至彼人所即於淨地坐縛由何生欲療治病爾時佛語五人云何汝等而作是語更互乞食與說深法是時五人不受教誡此法甚苦覺知是時語世尊言汝本六年勤苦學道日食一麻一米猶不得道況今隨心口自恣言得道耶食甘饌飲食被珍寶衣隨意所欲自養其身是時世尊告曰云何汝

等比丘觀如來顏色有變易耶諸根心寂顏
貌端正如今顏像與本容色豈不異乎彼境
界過去彼答曰如今端正而無有比世尊告
曰若本不得是甘露者誰當於此三千世而
得甘露亦聞天阿須倫於大海中須彌山底
而得甘露此亦如是於此三千世以勇猛意
得智甘露味此甚奇特世未曾有百千劫所
造行息心最爲妙遠離名色解脫自在甘露
味甚深爲彼衆生故而說其法忍其勤勞未
曾辭憚爲一切結使故不起塵勞欲開心智

卷九

十二

故處母胎以此生死故而究竟其原無滅故
不可盡有常故法無寡無憂感故樂也欲滅
結故更不造新大神仙衆所歎譽已衆成就
然我所行勤苦爲一切萌類故今當說法是
時世尊圓光七尺顏色如安明山三世所宗
重一切智所說無所罣礙如是比丘是謂爲
苦本成就阿維三佛廣說如契經天人所歎
光明無有盡是時日暄不現復以此人或以
身著微妙衣裳至如來所或著天衣至如來
所皆垂天冠種種色不同或瓔珞而墮地者

飢虛於世尊甘露是時便說此偈

世尊亦無生 饒益天人衆 如食甘露味

終無飢渴患 今曰十種力 生時世稱歎

當飲深法味 已至解脫界

爾時如是衆行觀察苦賢聖諦本初受胎之

共九

十三

苦爲從何生永處幽冥不見燈明以是之故
生爲最苦觀此苦相生爲長苦無所堪任長
爲業苦當筋力成辦有所希望苦意無厭足
欲有所求不獲爲苦不充希望所獲爲苦起
若干方便欲使不失以護漸漸磨滅爲苦若

千衆惱悉至已得度彼岸難有内外人共諍
苦親族錢財皆散憶彼難忘苦不離愛欲諸
結使苦欲最爲苦以未滅故瞋恚爲苦罪行
不滅故癡最爲苦無照明故憍慢爲苦由意
熾盛自大爲苦無尊卑意朋友爲苦心不分
離故愛最爲苦味著無厭貪嫉爲苦心不開
解無戒爲苦由變悔故所見爲苦不見真諦
故然有一切結自色爲苦無所恃怙爲苦求
果報苦諸樹草木及四大所成共相繫著起
諸因緣内四大苦若干變怪諸陰持苦由自

然故諸入爲苦所依不離境界爲苦招致外
色苦痛爲苦燒形體故樂痛爲苦由苦而生
無苦無樂爲苦由境界生想最爲苦由衆生
有行識最爲苦緣彼而生老則爲諸根羸劣
病最爲苦四大不隨死最爲苦更受異形怨
憎會爲苦共親近心所欲不得此最爲苦亦
甚苦取要言之五盛陰苦常負重擔於彼所
趣處地獄爲苦燒炙身形畜生爲苦各相食
瞰餓鬼爲苦飢渴逼形人身爲苦種種非行
天爲苦福盡必終隨彼界墮三惡趣欲界爲

苦愛欲纏絡色界無色界亦無有智皆悉爲
苦如是爲三苦逼皆悉攝持爾時以身意行
故或以一行而造苦所造行皆悉爲苦如是
衆苦無有休息因緣不盡當覺知色如是愚
者之所爲然須陀洹究盡其原斯陀含少有
不盡毛髮之餘典九阿那含當除至阿羅漢永盡
無餘爲世現照明爾時世尊三耶三佛爲衆
生類作大覆護便說此偈
無數百衆行 常造苦惱業 以懷此色難
現在有此證 彼實是無常 解本皆悉空

自然法所立 常當自覺知

是時云何復生此苦所謂自相境界五根具足若彼自相境界相應智迴轉是故極清淨愚者所不學不與智慧相應復有利根愚者謂之盲冥世尊與諸聲聞本所造行智慧善根自相合會相如所修苦賢聖諦皆悉觀察云何當觀此生死苦知有苦賢聖諦悉無常牢持而不捨皆悉同一起如是心於苦而觀苦彼最爲妙於苦觀空最初微妙等度彼處苦觀空時彼皆是分散之法自然觀察如是

於苦觀無我彼智信所成最初有是頂法善長益數數求方便等智功德無所希望三昧林不缺漏外塵永盡亦無所著以想思惟故除去塵埃一切境界苦無所敗壞除去有愛亦無所畏亦無暴亂顏色和悅自觀境界於彼現光於三世起大燈明欲害彼結拔濟惡趣爲彼衆故無彼此心亦不懈怠得甘露味分別彼章等度生死故流轉四境界欲照明彼衆生故勤行苦行周窮一切亦無處所亦無顛倒除去顛倒者甚深難可測於是便說

卷九

十五

此偈

若眼有苦時 清淨無量念 無味極鮮明
人之所歎譽 彼如是之智 音響相娛樂
觀佛十種力 護世界生類 如有見禁戒
如來所長益 執志如金剛 分別一切空
若拔愛根本 亦無衆苦惱 當拜首息心
最勝無有比

當云何觀察世尊所謂有如是無漏智慧彼
觀道場處所亦見力勢爲世故觀世光顯於
其中間所修苦行皆悉觀察彼彼衆生觀慈

悲心欲使安隱彼無量勤苦觀如是苦行於
異境界而自觀察於大衆中觀如來說微妙
法令分布義觀其握法若法眼清淨亦觀彼
法身無有衆生想若復作是觀亦不言禁戒
曾聞尊者名優波斯有弟子名鉢摩迦往詣
摩輸羅境界於彼止宿彼到時著衣持鉢廣
說如契經人未曾見不解彼威儀便入姪女
村中彼姪女見此比丘年少端正身無塵埃
見懷歡喜欲意熾盛時彼比丘便入姪舍觀
如是結使不欲造結使如是穢解脫法速得

此法果是時比丘便作是語而說此偈

欲如彼毒藥 欲為不淨行 欲為壞姪色
隨人入惡趣

作是說已便退而去彼人姪意熾盛為彼比

丘故便結旃陀梨呪術語彼旃陀梨如是之

義是時旃陀梨莊嚴此女人化作村落之處

致比丘來汝觀察此處猶彼釋提桓因宮殿

無異厦堂高廣亦無有比莊嚴卧具無數衆

色在彼厦堂上所卧之處文繡綰綬坐褥觀此

地處種種華香而散其上一一周巾種種青

蓮芳蘭而生其邊作如是觀便作是結呪祝

語比丘言此極微妙可共娛樂時鉢默比丘

報言我盡觀此亦當觀餘旃陀梨言餘何者

是鉢默報言

我今觀果實 欲最第一苦 終當入地獄

受彼鑊湯惱

是時旃陀梨報言止止比丘莫語我作是言

鉢默比丘報言此語是愚癡欲眩惑我我不

與爾同彼旃陀梨見已便作大坑無有塵

塵時鉢默比丘報言我已見此大坑旃陀梨

報言若不欲親近女者不如入此火坑死是時彼比丘便作是思惟此火雖恐懼避火親近欲者然欲熾於大火設犯欲者後受罪無量寧今日入此火坑不犯此欲然我師神通無比云何當違師教以是之故當入火坑而死與九不犯欲而生今俱捨二事云何於三世如來立禁戒今我當犯以是之故入火坑而死如是思惟已欲持僧迦梨鉢以施彼人時旃陀梨報言用是衣鉢為鉢默比丘報言今此諸梵行持我衣鉢施諸有集聚者

持我語告彼比丘名鉢默遭此厄難處今投火坑死不受彼欲愛乃至彼二人俱出家學道廣說如契經是時復說此偈

世修善雖少思惟憶不忘亦不受彼欲欲度衆生故況復開甘露世尊一切妙云何造功德彼智隨時興爾時世尊云何周旋來往覺知生本所謂於此等語有二種風形體功德心意所覺是謂二風彼形體風者生諸愛念意所覺者猶如

永樂北藏

僧伽羅刹所集佛行經

第一三〇冊

華敷鮮明淨潔猶如彼風觀見解脫所爲事
勝猶雪成水此心雲亦復如是攝持内外境
界有清涼風起覺知彼意彼持無量不破壞
有六境機關外爲四大所使四大根力所繫
彼有軟風起漸漸有智生亦如彼舉足時皆
是本行之德不失本所爲之相踣骨所行來
往皆有火起於一切骨屈伸卷舒筋脉漸緩
有所希望若復視瞻開目閉目内身根更樂
漸漸熾然隨彼來往若復食噉屈伸卷舒皆
由形所造及餘心所造行依彼煖風除去顛

倒風亦吹落層齒聲響本意所造一切種子
法然彼風處所有勝皆有此語有如是聲響
彼作是說不爲福云何不爲繫縛我作是說
有此機關外有壞敗内有衆行不作是時便
有盡便有長養猶如智車於此見截緣如是
豪貴法緣依彼時想顛倒於是便說此偈
佛九
此甚奇甚特 覺知空無智 展轉相依倚
機關最爲要 亦不觸彼意 身意所依倚
有如是衆事 眩惑爲微細
是時世尊爲梵行云何梵不亂不從彼學獨

遊無侶於人中功德威儀最為微妙無著於一切衆生所爲之業無能及者衆生無有量依倚一切微妙之法法自然故一切智不可壞成大要道所欲成就必果無疑諸功德具聲聞圍繞生一切德一切微妙爾時世尊於彼衆少形體最第一衆德成就除幽冥世無所著三世無著棄諸結使得大慈悲心無亂想已度彼憂畏之處至安隱處長夜降伏其心自得授彼於是便說此偈
梵行最為妙 慈功德成就 若彼聞此教

天人皆拜首 於正法無二 彼樂亦無二
必當成聖賢 是故拜首聖

爾時佛世尊三耶三佛忍地最為微妙除諸結使亦無所著火所不燒所悟事勝風亦復勝功德無畏大衆成就為衆重擔甚深相應不可思議猶如師子無怯弱心十九顏色和悅為彼外學故已修無著猶如蓮華無所染汚自依衆故自破壞意所希望亦復能辦拔諸結使故衆最為妙倍種種相生受取為妙若自求於一切生為妙當拜首最福田所擁護人

永樂北藏

僧伽羅刹所集佛行經

第一三〇冊

民王最第一不作是觀彼義甚深捨衆穢法
月最爲勝分別諸法毗沙門爲第一聲響清
徹師子吼最第一欲種良福田有增上學捨
一切田業釋提桓因爲第一一切世間功德
爲第一示現涅槃道亦爲勝愍護一切衆生
解一切縛爲妙於是便說此偈

如來之功德 一切普悉備 止住釋種家
猶海集衆寶 及餘佛法衆 充滿三世界
欲求往彼岸 當從如來取
是時世尊爲人中師子雄希望於一切智色

和悅咽喉功德無比佛法功德有四神足甚
安詳去離麤穢之言直身正意衆智具足眼
爲清淨根萌芽分別衆法稱揚其德未知智
猶雨甘露難可沮壞十力具足勇猛超彼覺
知一切所趣而往救濟大慈悲禪解脫四等
未曾缺亦無愛欲味觀食而食得無所畏降
伏彼衆彼猶如師子鹿王鳴吼之時其聞聲
者皆馳走四趣止谷趣谷止穴趣穴鳥飛虛
空此亦如是若聞無常聲此凡夫人及長壽
皆懷恐怖於身見皆馳走而去猶如彼龍象

僧伽羅刹所集佛行經卷第四

音釋

亞衣嫁切
硯研計也
塊城上垣也
鑿醲女亮切
恪克各切
憚徒案切
窰窰切
躡昵靴切
壓是規切
埤埤切
堦堦切
鉏他侯切
厦亥推切
統統於阮切
眩葵絹切
紉韋居良切
縶絀也
愕逆各切
驚也
華紉博漫切
紉紉也

永樂北藏

僧伽羅刹所集佛行經

第一三〇册

僧伽羅刹所集佛行經卷第五

典十

符秦沙門僧伽跋澄譯

是時世尊爲人中雄象一切智慧皆悉具足
所有肢節與首相稱所謂是智慧首因智慧
有念念爲頭依彼止觀爲腹以休息解脫示
無師學自然辦具以信根爲妙法以信力而
縛有如是之力護清淨以爲牙除惡趣慚愧
爲營從身妙以爲耳佛法身滿亦無害意而
修梵行究竟其原求其方便勇猛不退一切
世微妙無有能過此功德者猶如安明山習

修於禪如彼利刀覺意自在七處安詳無常
苦空行一切法皆悉無我涅槃爲滅淨所持
如甘露十力有力勢觀者皆歡喜以破壞憍
慢行解脫果報所緣依彼甘露不校計所著
本意所造食解脫甘露果如甘露者得利養
除諸穢濁以爲食亦不藏貯於九十一劫善
自降伏爾時便有是定心無有衆亂於是便
說此偈

和悅無衆亂 極清淨意定 拜首無量德
人中雄象王 彼衆生有德 壞敗諸色相

永樂北藏

僧伽羅刹所集佛行經

第一三〇冊

眼淨無瑕穢 拜首覺最勝

彼三耶三佛有如是功德如是自覺知如是甚深極微妙無比於中自覺諸法設復有人誹謗我言彼或有聲性與相應有如有餘如有作是說有餘沙門出家若婆羅門聰明黯慧若天住止若欲界魔天若梵天色界妙者作如是而說法我亦不見彼相亦無因緣如彼所說若復不見其相云何不等正覺亦作是說見彼而說法速安隱處而自娛樂爲等正覺亦到無畏處及餘無著廣說如契經

彼最爲妙無著不搖動處無若干彼名當轉梵法輪彼梵世尊轉此法所謂賢聖八品道當於何處而轉或作是語於此衆轉爲妙於此衆而師子吼亦不於空處而轉於此師子吼亦無恐畏復作是說欲降伏彼衆故此最初無所畏第二諸漏未盡此義云何所謂有漏障中有諸恐畏若復斷智具足此第二第三我所說道法此有何義所謂有如是實爲彼故求彼作是說此造諸內入此第三第四有所縛彼有十事人所修行在衆無恐畏或

與十

二

無恭恪心彼如是無有威儀以是之故於大衆而懷恐怖雖復有恭恪心明黠如實有此威儀彼亦復有恐畏於衆雖復有恭恪之心於彼雖無畏彼義有愚癡雖復承事供養恭恪之心然不數數修行雖復修行亦不經歷久於中亦有恐懼之心於彼雖久修行意不捷疾於中故有恐懼雖有捷疾之意亦不親近於中故有恐懼之心彼雖親近亦不實依於中亦有恐懼之心意雖依善自無此善於彼衆中故有恐懼之心若復徧有此意然不

有巧便彼於衆中故有恐懼之心彼世尊爲菩薩時承事師衆三界牢要寶幢從錠光佛以來三耶三佛若干劫極淨無瑕穢彼一切無幽不照緣彼覺意有如是形類所爲成就爲彼道故九十一劫而造行爾時世尊得受名號起如是黠慧而成佛與智慧相應意悉典十覺悟依彼善意一切皆悉辦一切意無著彼第一無染汚亦不懷恐懼心是故世尊如是常住恒入三昧於彼智有勝無數世有勝作是觀察其有難問者終不猶豫文字不缺於

是便說此偈
身如師子王 欲度彼園觀 群獸皆驚怖
各奔走東西 如是無所著 大衆現勇猛
不樂生死原 以法度天人
爾時世尊觀一切世間猶如草木所謂云何
當試最初種有五行猶外草木於此有何五
種復作是說云何彼樹展轉相倚耶生種種
結苦諦所斷外亦有生有五種行觀彼苦地
之所生皆依外而生於內云何生有作是說
於內識處等有是觀如是外住隨種便生於

中作是說如日月現無光此各各相依有所
說依外亦生此義云何答曰於今而不相依
食爲水所漬爲火所煖安處形體或爲風所
吹如地生樹隨風來往於中皆悉知之身風
所觸耳有所聞時亦能識知彼曰細滑也堅
依外彼非有智耶如是亂想若外果所生皆
悉觀察外緣內於中作是說一切非思惟色
想耶不作是觀如觀察四大如是境界皆悉
觀之或觀一果眼識生若干果以識爲首是
故壞敗於中作是說外亦有作若干果猶彼

色半青半黃猶如樹同一根生若干種果實
秋則無有果或隨時生此生死樹亦復如是
身最爲本根爲枝葉猶如三昧境界是故識
施果爲上如是而覺知以眼喻彼樹若彼眼
識有所攝色其根今色云何得成所謂如所
說觀觀便爲妙彼如是現於是復現諸所生
種子漸漸長益於彼生而成果知隨時萎彼
果無所自等有是果所謂心垢所染於中作
是說眼識皆悉知於中作是說不於中間猶
如彼色緣彼果生如是緣意識有此生死樹

彼眼識爲首於中作是說猶如胎漸漸長於
彼生眼識如是有眼識於中作是說不於眼
識中間而死無有身根然眼根無所造此由
何故或外不依根果本或同影果於此云何
言等一切身根以過去不依無根草果根有
壞敗復是所知外無有情然內有情於中作
是說云何情想有果實耶猶如外華實此種
果亦復如是以是故或有情或復共同情於
中實有無礙云何當有念於中作是說此義
云何或有作是說彼處所無有住處答曰猶

如彼無處所便有是清淨外無壞敗便有是
因緣於中作是說彼四大有增上如所依有
果者是事不然此復是所知所作行業外
現猶如內所有不往名曰樹住者非樹於中
作是說云何此地持無所壞敗耶此地亦有
暖氣若依彼有有是堅相爲風所吹便可知
之此亦如是然外有藥草樹木無常斷絕與
壞敗相應當作是觀因緣無常苦空無我亦
如是然外空無所有衆生亦如是猶如無我
觀內亦如是況當內有所造懷內思想彼皆

是外猶如濕木種時便生此亦如是根意所
教猶如身心依法往來周旋此皆無所依猶
如壽暖命識此亦如是無有終始
觀彼志性趣 外及樹木草 實空無果實
於法當分別 彼已有壞敗 身等即思惟
壞彼塵勞結 五根永以滅
是時尊者大迦葉勤修苦行身體疲厭於彼
園觀處而自娛樂事火無懈怠已衆圍繞僧
迦梨壞髮爪皆長諸根淳熟內降伏姪經行
往來所觀察皆悉知之樂閑處名稱遠聞故

得大慈悲無與彼尊德等者天人所供養是大福田加敬恭拜諸遭困厄者皆度脫之度彼生死布現法相布現歡樂擁護如事父無異所供養業如山不可動歡喜踊躍欲觀察如來欲遊一閑靜處往至世尊所觀樂異法故頭面禮世尊足在一面坐爾時世尊欲歎譽少欲之德便告尊者大迦葉曰汝今迦葉年老形熟無復有少壯意長老身無所堪任漸漸衰耗盛意已盡更不與所著補納之衣極重計汝今身不堪勝此重衣汝年已邁諸

有長者持衣施者便可納受是時尊者大迦葉誦法想具恭敬心於如來即從座起長跪白世尊言生死長遠義皆不真受此樂痛心常愁憂諸有豪尊長者亦不樂至彼家已自阿練復歎阿練之德自少欲復歎少欲之德然世尊諸天證知我於今世果若有力無力皆能頂戴況我今日之身無姪怒癡憍慢皆悉盡清淨無瑕離世不與世相應皆悉得之今當云何捨此麤服是時世尊告曰此云何廣說如契經是時尊者大迦葉報言以二義

永樂北藏

僧伽羅刹所集佛行經

第一三〇冊

故住閑居處或復有歎閑居之德自於現法
中欲得歡樂爲後世人故作照明布現如是
德以是修勤苦行是世尊告曰善哉善哉大
迦葉常當樂閑居廣說如契經於是便說此
偈

彼得何自在 弟子修苦行 清淨無衆惱
如月星中明 如今無狐疑 彼有是大德
當牢持正法 淨除一切穢
是時尊者舍利弗自依甚深無有邊際所知
如大海無有邊涯堪任與外學論義皆悉降

伏稱揚善法不失彼意於愛欲得解脫意所
覺知生死所趣皆盡原本便往至世尊所頭
面禮足白世尊曰我起如是義皆悉牢固彼
彼止住外道異學處今到此處欲服甘露除
一切結縛意亦無所著於我處所世尊爲我
故說如是義第十當除惱惡說如是義七已諸凡夫
人皆悉懷愁憂學者亦懷愁憂諸無狐疑者
皆悉欲聞是時世尊須臾思惟告尊者舍利
弗言此行皆是有爲是時尊者舍利弗常樂
空閑處好喜於法拜首於法繞三匝便直身

觀如來形往詣那羅陀村中以草布地入師
子奮迅三昧已入彼三昧如來所止之方便
於彼而般涅槃是時均乘八頭州為切沙彌常
與尊者舍利弗供給所當與轉尊法輪修行
佛事最大聲聞一切世人莫不供養供養如
來身所彼舍利及鉢三法衣與尊者阿難到
已便作是語我所事師今已滅度尊者阿難
問均頭沙彌汝師是誰為名何等我所事師
名優鉢低舍今尊者已般涅槃此尊者舍利
弗是時尊者阿難聞如是語便懷愁憂網愚

癡城裏念彼舍利弗心意迷惑無所覺知須
臾愁煩而立便將均頭沙彌往至世尊所以
是語具白世尊我今日身不如本故聞彼尊
者舍利弗取般涅槃廣說如契經世尊告曰
彼持戒身而去耶及我所覺法亦持去耶所
謂四意止廣說如契經然復阿難行不可久
保皆當壞敗阿難無常行無有常存者亦無
不觀善行阿難行無所依怙阿難興起苦更
樂懷顛倒之想阿難行無我不得自在阿難
行難可捨常受有教阿難行有所害皆悉空

寂阿難當遠離彼行起苦樂想是時世尊告
均頭沙彌言汝授此舍利著我手中是時均
頭沙彌即授與如來是時世尊伸黃金臂極
輒細而受之爾時世尊當受舍利時彼極清
淨無瑕穢心意歡喜觀者皆歡喜著閻冥處
是時世尊告諸比丘汝等比丘可禮此舍利
弗舍利自歎譽彼名聞遠布於聲聞中尊最
妙惟有一存彼一切皆悉過去諸有萌類欲
得是樂現神足去垢濁彼復有是明皆悉周
徧設當有是色當拜首彼智慧彼有名稱一

切世間悉能充滿此是彼舍利於三界身得
自在善香所熏是故當拜首禮如是功德爲
世現萌類衆多功德當學解脫至彼處所爾
時世尊亦捨壽命是時地爲大動四面雷電
霹靂諸天側塞虛空作倡妓樂有大光明靡
不照明雲霧覆蔽火無有光有如是語流布
一切智當取滅度是時尊者阿難清旦從座
起往詣世尊所頭面禮世尊足在一面住便
問世尊言此是何因緣使地大動世尊意不
移動便作是語阿難以八因緣故地爲大動

復語尊者阿難若第一聲聞取般涅槃如來
取涅槃有如是之瑞應阿難白佛言今日世
尊亦捨壽命耶世尊報曰如是阿難我亦捨
壽命是時尊者阿難自投于地廣說如契經
白世尊言我面從如來聞受持諷誦諸有比
丘所修四禪神足住劫若至無數劫廣說如
契經是時世尊意不移動吐如此言教便作
是說云何阿難我不再三告汝耶是時尊者
阿難尊無二語便默然住猶如大海中船破
壞無由得至彼岸白世尊言從隨葉世尊已

典十

九

來彼三耶三佛所有境界人民皆悉長壽成
就今日如來境界所修行甚勤苦精進惠施
無有限量如今日衆生壽命甚短教化未盡
原本是時世尊告曰汝今云何世平豐熟無
有恐懼苦難有法王出世轉輪聖王以法治
化樹木藥草不可稱計諸有牢獄閉繫者皆
使解脫或復有鼎沸之世如轉輪聖王諸有
牢獄閉繫者皆使解脫不遭苦厄有恩慈於
彼衆生而彼云何有恩慈於衆生是時尊者
阿難白世尊言第一法王出人之表者遭厄

永樂北藏

僧伽羅刹所集佛行經

第一三〇冊

苦惱者能脫苦惱最爲要猶如阿難太平之
世有轉輪聖王隨葉佛處世時亦復如是猶
如牢獄繫閉皆悉度脫之阿難如我今日壽
命極短出現於世彼衆生猶刀劍劫生彼惡
劫諸結使厚未能離結使依種種邪見有邪
見結使以非法欲故有欲結使於彼衆生中
間所生如是惡趣時世惡故所教化少若於
彼人勤修此行阿難我本未得道爲獼猴時
不惜身命使餘同類皆使得度無有不得度
者本復爲師子時度脫爾所商人越彼惡道

久修行梵行爾時阿難所趣之處無不有潤
澤衆生我是時阿難還復人身於摩竭界潤
澤諸人復於青雀時度脫無數商人復爲大
仙人度脫無數梵天我年八歲時於此誓願
意不退轉身被草衣勤修苦行住彼閑靜處
所修行皆悉護持云何阿難我於此迷惑之
世天不降雨時釋提桓因即使降雨是時阿
難我未生時人民之類愛念一子若復阿難
我爲一衆生故一劫之中代受泥犁苦爲彼
衆生受如此苦惱若復阿難我今此身父母

所生無有怨敵能害我者終無此義此金剛
三昧分別種種三昧若我取滅度後彼若供
養舍利如芥子等此功德無有限是時便說
此偈

從初發意來 所作爲第一 得爲人中上

誰能與等者 若父母妻子 於世得自在

雖有餘命存 今盡當捨之

汝今往阿難爲如來故往詣彼雙樹間廣說
如契經是時尊者阿難從佛受教便作是思
惟今日世尊審涅槃耶便懷愁憂不違尊教

即懷驚怖便往至彼間皆是宿命相追還故
勤苦所致欲有所陳復懷狐疑當云何陳此
言便白世尊所爲已辦是時世尊便往至彼
所舉足蹈地時欲至彼處是時尊者阿難心
意遂熾然復生是心此爲幻夢耶爲是審然
如是猶豫思惟是已復還正其意此名曰無
常衆生流轉不脫此患是時世尊漸至彼雙
樹間於其中間有諸天側塞虛空或有作偈
妓樂顏色變易或有啼哭涕零不可稱計諸
須倫衆希望於法恭敬於法是時便說此偈

此尊第一妙 為彼衆生類 此法亦無上
今當取滅度

是時世尊便至雙樹間而坐是時雙樹間諸
天展轉相告語言於彼亂世一切智當取滅
度云何當捨人民類而取滅度於是便說此
偈

諸為深義故 疾逮甘露味 彼尊有是力
今悉當還去 如彼金剛輪 人民所歎譽
彼輪或有敗 此尊難可壞
於彼中間盡修無常精進力不可沮壞諸有

少壯皆悉無常諸佛世尊亦復滅度此患甚
苦惱便說此偈

於彼諦思惟 色像有迴轉 彼更樂所縛
受諸苦惱患 其中或有說此偈

最始生為苦 有此陰持名 無生不有壞
誰有脫此患 其中或有作是說偈無常為所從生
最初覺此時 一切念悉成 彼有如是色
諸佛無常住

我等今日當修何業今世尊最後說此法是故當慇懃修心是福田亦不可持而發歡喜心是時婆羅園中諸天皆拜首於世尊雨若干種曼陀羅華皆啼泣涕零便說此偈

其有觀如來 晝夜無懈怠 時欲取滅度

捨此四大形 勤苦成其德 未曾建正法

以度生死患 今當捐陰入

是時世尊臨欲般涅槃時告諸比丘汝等比丘有所狐疑便可時問乃至一切行無淨常云何尊者阿那律世尊般涅槃耶是密迹金

剛力士立如來後觀如來顏色肢節筋骨皆悉牢固堪任重任亦堪任說微妙之法即啼泣而作是說

無垢無眾瑕 世間失覆蓋 猶彼紫磨金

今當捨衆去 猶如此世間 田熟時已過

釋種釋迦文 無想永寂滅

其中或有說者止止莫作是語是時彼懷此懊惱便作是說自念世尊從堯術天降神來生世間憶彼有數千萬天以已功德皆著青衣有威神之力力不可沮壞五百不退轉復

有十二大鬼神見者皆懷恐怖欲來擁護如
來斯須思惟復作是說攝如來肢節皆放光
明便告勅我等勅諸天有是語護世神遣使
至此於彼處便作是語我等歡喜承事供養
如處胎時夢寤之中常不遠離我等深著此
世眾生牢固於此有苦樂想有父母想一切
世微妙有無上想護世所造有兄弟想受彼
信施故有福田想心不傾邪有執御之想欲
度流故有船師想不可得故懷珍寶想得大
慈故有護世想如我今日金剛之身不碎為

與十

十三

百分或有說者此身必當獲果所以然者供
養如來故是時密迹金剛力士便作是說此
事云何是時太子乘馬車出城時彼馬還來
七日不食生三十三天況當我等承事受如
來教誡入耳者諷誦者一切皆悉學度眾生
無有限量若復珍寶之海當度求之是時密
迹金剛力士有二賢聖論說此偈
於彼神龍處 金剛出於海 云何當擁護
如是師子吼
是時思惟復作是說

猶如彼深海 力無能過者 於世行精進
大德無有邊

如是世尊於波羅柰國而轉法輪初轉此法
時多饒益衆生即於此夏坐有益於摩竭國
王第二三四於靈鷲頂山第五脾舒離第六
摩拘羅山白善爲母故第七於三十三天第
八鬼神界第九拘苦毗國第十技提山中第
十一復鬼神界第十二摩伽陀閑居處第十
三復還鬼神界第十四本佛所遊處於舍衛
祇樹給孤獨園第十五迦維羅衛國釋種村

中第十六還迦維羅衛國第十七羅閱城第
十八復羅閱城第十九柁梨山中第二十夏
坐在羅閱城第二十一還柁梨山中於鬼神
界不經歷餘處連四夏坐十九年不經歷餘
處於舍衛國夏坐如來如是最後夏坐時於
跋祇境界毗將村中夏坐世尊已度愛淵如
是曩昔諸佛所作惠施利根皆悉成就諸行
普至志性柔和皆悉度已次度中根次度輒
根漸漸使至須陀洹與外學演說世尊皆周
徧爾時便取涅槃於是便說此偈

欲度外學故 大尊無與等 自覺復度彼
無有溺此淵 經歷種種樂 漸漸有長益
於是生歡喜 皆悉度彼處
如今清淨無瑕穢所生之處常但善處已行
成就亦無衆慢緣諸功德皆悉成就為彼境
界故相應成就以慇勤故生皆成就救濟拔
厄至無為處如是得成就若生豪尊家居家
成就色微妙故親屬成就所為已足無為處
成就有限量故所為皆成斷種種結使故降
伏成就所興行業誓願成就種諸功德未曾

有所犯所為成就威儀成就諸功德戒律成
就演四意止威儀成就分別言教境界成就
興起智慧集衆成就已捨諸有諸戒具足戒
律成就以智專心亦不依禪三昧成就如實
分別彼界智慧成就斷諸結使故解脫成就
斷諸愚癡故解脫見慧成就集諸功德一切
成就已得寂滅止觀成就是故拜首十力是
時便說此偈
色不可思議 佛之所覺悟 三世稱揚名
神仙至彼岸 於世已休息 未盡無起滅

大智通第一 一切得自在

聞如來般涅槃百歲後一切智見布現於世
聞摩竭國界欺羅梨城有王名阿儵其德甚
巍巍猶彼天帝無異有大威德聰明黯慧堪
任與彼論議視民如子彼夜欲冥之時便作
是思惟我今所願已果更無希望當擁護人
民今當設何方便爲何業當興起何事使世
人民皆蒙其德作是思惟已即夜睡瞑於夢
中便聞此偈
審諦甚微妙 三世所敬事 當廣布舍利

最勝取滅度

聞此語已彼王即驚覺時王已覺便作是歎
善哉彼衆生 取滅度之後 舍利天所傳
我等當承事

口傳耳所聞是時大王即召群臣集大衆以
此義問彼言我當以何義恤化人民彼群臣
人民各自陳言或言供養如來舍利或言祭
祀神天是時王便作是說當以至誠語擁護
其法我昨夜夢中便作是聞思惟此舍利甚
善哉爲此世故我等宜擁護世間人民自旣

獲福衆生得度已功德無有量當行威儀恩
慈皆使見照明我於夢中聞如是語又說此
偈

若聞彼音響 道場自覺知 彼是釋師子
應供養舍利

是時王集諸比丘復以此義問彼曰諸比丘
第十
以法之教時王復語彼比丘言諸賢所說我
於夢中所見則是我宿植德本是時王於八
日受八關齋著純白衣撞鍾鳴鼓作倡妓樂
彈琴鼓瑟吹螺燒種種香於羅閱城欲得舍

利聞彼城裏有金券書已見金券有其形像
前世以土惠施見彼相同聞以下王須臾思
惟便作是語此必當獲微妙果實我欲發開
銅函見此中文即發開函見有金券亦見文
字此券阿闍世王記見此證驗即於衆中便
讀此文字於摩竭國界有羅閱城有長者名
波羅蜜多羅彼有子名毗闍耶蜜多羅第二
家名披修披陀羅有子名披修達多彼二長
者子在四衢道頭弄土戲當弄土戲時毗闍
耶蜜多羅長者子便懷歡喜便掬土惠施復

有助歡喜者如來百歲涅槃後毗闍耶蜜多
羅當出現於世緣彼土功德有王名阿儵出
沒耶種時王讀此文字便懷歡喜歎未曾有
復告群臣更讀此金券如上無異彼於此世
界人民之類皆當統領然不歎譽披修達多
當為彼人臣時王便作是歎善哉大福田作
是少施獲大功德心得歡喜或有作是說我
取七塔舍利分布廣度世界是時王喜哉歎
未曾有之智歡喜取彼舍利虛空之中聞神
聖聲而說此偈

與十

十七

當發歡悅心 善德不可稱 當廣布功德
遺舍利教化

天王於彼舍利而雨若干種華是時王起八
萬四千塔一日皆悉成是時王告彼群臣言
彼有如是真諦言教世所稱譽為佛今已滅
度分布舍利於世界亦無衆結身淨如金亦
如白雪觀此地未曾起惡彼亦如是見此地
已擁護之所教授智不可動在巖穴中極峻
高深無有量況當統領一切一切地是福田
十力觀衆生類所起塔寺無有增減是時世

尊舍利爲一切種類各各作若干種論時王
說曰猶此力無數金剛三昧碎骨而自得捨
休息云何當度此

僧伽羅刹所集佛行經卷第五